

通鑑綱目

二十三

安帝

1
1
39

館書圖京東				
九	一	別	正	漢
七	八	五	史	書
冊	號	架	函	門
			類	

漢書門				
		五	九	
		一	五	
九	一	五	六	
七	五	一	七	
冊	架	函	號	類

庫文閣内			
三	五		漢
八	九		
三	六		
函	七		
一	九		
架	七		
	冊		
	號		
内閣文庫			
番號	漢	5967	
冊數	97(39)		
函號	283	35	



綴じ部(喉部分)の文字など開きが不鮮明な箇所あり

資治通鑑綱目卷之二十三

淺草文庫

起已亥晉安帝隆安三年 凡十二年

已三年 燕長樂元秦弘始元魏元興二年 春正

月南涼徙治樂都

南涼王禿髮烏孤謂群臣曰隴右河西本數郡之地遭亂分裂至十餘國呂氏乞伏氏段氏最彊今欲取之三者何先楊統曰乞伏本吾部落終當伏從段氏書生無能為患且結好於我攻之不義呂光衰耄嗣子微弱纂弘雖有才而內相猜忌若使浩疊廉川乘虛迭

資治通鑑綱目

資治通鑑綱目

出彼必疲於奔命不過二年兵勞民困則姑臧可圖也姑臧舉則二寇不待攻而服矣烏

孤曰集覽浩亶注見漢宣帝神爵元年質實樂都郡名注見漢宣帝元

康四年湟中隴右即隴西郡注見秦王政三年河西郡名注見漢安帝元初元年廉川郡

名注見孝武帝太元二十年姑臧縣名注見元帝建武元年

二月魏主珪襲高車大破之

魏主珪北巡分命諸將三道襲高車大破高車三十餘部獲七萬餘口馬三十餘萬匹衛王儀別將三萬騎絕漠千餘里破其七部諸部大震質實高車西域國名注見孝武

帝太元十六年

段素自稱涼王

業以沮渠蒙遜為尚書左丞梁中庸為右丞

三月魏分尚書諸曹置五經博士考異

提要漏置字

魏主珪分尚書三十六曹及外署凡置三百六十曹令八部大人主之吏部尚書崔宏通署三十六曹如令僕統事置五經博士增國子太學生員合三千人珪問博士李先曰天下何物可以益人神智對曰莫若書籍珪曰書籍有幾如何可集對曰自書契以來世有

滋益至今不可勝計荷人主所好何憂
不集珪遂命郡縣大索書籍悉送平城
崔宏東武城人李先中山人書契以來尚書
序曰古者伏羲氏之王天下也始畫八卦造
書契以代結繩之政帝王世紀曰伏羲氏仰
觀象於天俯察理於地中觀鳥獸之文與地
之宜近取諸身遠取諸物於是造書
契也平城縣名注見漢高帝七年

實實

書法

書置博士何予道武也道武始稱
皇帝首有此舉可謂知所尚矣

發明

魏於是乎漸進矣晉為衣冠文物之
主而罷遣生徒不修孔廟送書于冊
拓跋何人乃能置五經博士綱目書以予
之宜矣春秋之法美在夷狄則責在中國

南燕苻廣叛南燕王德擊斬之滑臺降魏德遂

東寇青苑

考異

據李朗書討誅之此
擊斬二字當作討誅

初秦主登之弟廣帥眾依南燕王德德處之
乞活堡至是自稱秦王時滑臺孤弱土無十
城眾不過萬附德者多去附廣德乃留魯王
和守滑臺自帥眾討廣斬之和長史李辯殺
和以滑臺降魏魏行臺尚書和跋帥輕騎自
鄴赴之悉收德宮人府庫陳穎之人多附於
魏將軍慕容雲斬辯帥將士家屬出附德德
欲還以滑臺韓範曰嚮也魏為客吾為主今
也吾為客魏為主人心危懼不可復戰不如
先據一方自立基本乃圖進取張華欲取彭

城潘聰曰彭城土曠人稀平夷無險且晉之舊鎮未易可取又密邇江淮夏秋多水乘舟而戰者吳之所長我之所短也青州沃野二千里精兵十餘萬左有負海之饒右有山河之固廣固城曹嶷所築地形阻峻三齊英傑思得明主以立功於世久矣晉刺史辟閭渾昔為燕臣今宜遣辯士馳說而以大兵繼其後若其不服取之如拾芥耳既得其地然後閉關養銳伺隙而動此乃陛下之關中河內也德乃引師而南兗州北鄙諸郡縣皆降德置守宰以撫之禁軍

集覽

三齊注見漢王劉邦元年辟閭渾辟

閭注見穆帝永和十二年關中河內漢光武遣寇恂守河內謂曰昔高帝留蕭何鎮關中

吾今委公以河內當給足軍糧率厲士馬

中注見惠帝元康九年河內注見漢桓帝延

熹九年 **質實** 乞活堡未詳處所滑臺注見孝武

年 帝太元九年陳頴二州名陳注見

周赧王三十七年穎注見梁武帝天監三年

彭城郡名注見秦始皇二十八年廣固城名

注見穆帝

永和七年

追尊所生母陳氏為德皇太后○夏四月以會

稽世子元顯為揚州刺史

會稽王道子有疾且無日不醉元顯知朝望去之諷朝廷解道子揚州以授元顯道子醒

而知之大怒無如之何元顯以廬江太守張法順為謀主多引樹親黨朝貴皆畏事之

質實廬江郡名注見漢景帝五年

燕除公侯金帛贖罪法

燕主盛十日一決獄不加拷掠多得其情下詔曰法例律公侯有罪得以金帛贖此不足以懲惡而利於王府甚無謂也自今皆令立功以自贖

秋七月秦寇洛陽八月魏人來救

後秦齊公崇寇洛陽河南太守辛恭靖嬰城固守雍州刺史楊佺期遣使求救於魏魏遣

太尉穆崇將六萬騎救之
質實洛陽縣名注見周顯王元年河南郡名注見秦莊襄


王三年三川

書法於是佺期求救於魏魏人來救則書求書來嘉助順也綱目嘉助順是故

魏人來援則書漢後主炎興元年魏人來救則書是年

魏殺其御史中丞崔逞

初魏將軍張袞以才謀為魏主珪腹心袞薦中州士人廬溥及崔逞珪皆用之及圍中山久未下軍食乏問計於群臣逞對曰桑椹可以佐糧飛鴉食而改音者也珪雖用其言然



心銜之秦人寇襄陽雍州刺史郗恢以書求
救於魏常山王遵謂珪為賢兄珪以恢無禮
命來及暹為復書必貶其主而來暹謂帝為
貴主珪遂大怒暹之降魏也以天下方亂恐
無復遺種使妻子留冀州至是珪并以是責
暹賜死而溥亦受燕爵命侵掠魏境珪謂來
所舉皆非其人黜為尚書令史來闔
門不通人事手校經籍歲餘而終
猶言中夏中國也中山國名注見周威烈王
二十三年襄陽縣名注見漢獻帝建安十二
年雍州注見齊和帝中興元年常山郡名
見漢光武建武九年冀州注見秦二世二年
信

質實

中

南涼王烏孤卒弟利鹿孤立徙治西平

考異

立

作

質實

西平郡名注見漢宣
帝元康四年湟中

○南燕王德陷廣

固殺幽州刺史辟閭渾遂都之

南燕王德使說幽州刺史辟閭渾不從遂遣
北地王鍾帥步騎擊之德進據琅邪徐兗之
民歸附者十餘萬渤海太守封孚燕舊臣也
聞德至出降德大喜曰孤得青州不為喜喜
得卿耳遂委以機密渾守廣固其下多出降
渾懼奔魏德追斬之渾子道秀自詣德請與
父俱死德曰父雖不忠而子能孝特赦之渾
參軍張英為渾作檄辭多不遜德執而讓之

瑛神色自若徐曰渾之有臣猶韓信之有蒯
 通通遇漢主而生臣遇陛下而死比之古人
 竊為不幸耳德殺
 之遂定都廣固 **質實** 幽州注見唐高祖武
 德四年比地郡名注
 見漢哀帝建平元年琅邪郡名注見漢光武
 建武五年渤海郡名注見漢獻帝建安八年
 南皮韓信之有蒯通通遇漢主而生蒯通范
 陽人楚漢時說士有權變武信君嘗用其策
 降燕趙二十餘城韓信用其計遂定齊地自
 序其說號曰雋永凡八十一首事在漢高帝
 十一年

九月燕遼西太守李朗謀叛其王盛討誅之

燕遼西太守李朗在郡十年威行境內燕王
 盛疑之累徵不赴朗亦以家在龍城未敢顯
 叛陰召魏兵許以郡降事覺盛滅朗族遣將
 軍李旱討之旱既行急召而復遣之朗聞其
 家被誅擁二千餘戶以自固及聞旱還謂有
 內變不復設備留其子守令支自迎魏師於
 北平旱襲克令 **集覽** 北平索隱曰此北平縣
 支追朗斬之 **名也** 隸中山郡正義曰
 今定州北平縣是又右 **質實** 遼西郡名注見
 北平注見秦王政三年 **質實** 漢獻帝建安十
 年龍城縣名注見帝奕太和四年和龍令支
 縣名注見成帝咸康四年北平縣名注見漢
 高帝七年
 年曲逆

秦王興降號稱王

興以災異屢見降號稱王詔群公卿士將牧守宰各降一等存問孤貧舉拔賢俊簡省法令清察獄訟守令有政迹者賞之貪殘者誅之遠近肅然

冬十月秦陷洛陽

秦寇洛陽辛恭靖固守百餘日魏救未至秦兵拔洛陽獲之恭靖見秦王興不拜曰吾不為羗賊臣興囚之恭靖逃歸淮漢以北多降於秦

質實

辛恭靖狄道人洛陽縣名

注見周顯

王三年

孫恩寇陷會稽殺內史王凝之詔徐州刺史謝

琰及劉牢之討破之以琰為會稽太守

會稽世子元顯性苛刻生殺任意發東土諸郡免奴為客者置京師以充兵役東土囂然孫恩因民心騷動自海島攻會稽內史王凝之世奉天師道不出兵亦不設備官屬請討之凝之曰我已請大道借鬼兵守諸津要不足憂也恩遂陷會稽殺凝之於是八郡之人一時起兵殺長吏以應恩旬日中眾數十萬奔潰恩據會稽自稱征東將軍號其黨曰長生人醢諸縣令以食其妻子不食則支解之

所過焚掠刊木堙井表會稽王道子及元顯之罪請誅之自帝即位以來內外乖異石頭以南皆為荆江所據以西皆豫州所專京口及江北皆劉牢之及廣陵相高雅之所制朝政所行三吳而已及恩作亂八郡皆為恩有畿內盜賊蠡起恩黨亦有潛伏在建康者人情危懼於是內外戒嚴加道子黃鉞元顯領中軍將軍命徐州刺史謝琰討之牢之亦發兵討恩拜表輒行琰擊斬義興吳郡群盜與牢之轉鬪而前所向輒克琰留屯烏程遣司馬高素助牢之進臨浙江詔以牢之都督吳郡諸軍事初彭城劉裕生而母死父翹僑居京口家貧將棄之同郡劉懷敬之母裕從母也往救而乳之及長勇健有大志僅識文字

以賣履為業好攜菹為鄉閭所賤至是牢之引參軍事使將數十人覘賊遇賊數千人即迎擊之從者皆死裕墜岸下賊臨岸欲下裕奮長刀仰斫殺數人乃得登岸仍大呼逐之殺傷甚衆劉敬宜恠裕久不返引兵尋之見裕獨驅數千人咸共嘆息因進擊賊大破之恩驅男女二十餘萬口東走多棄寶物子女於道官軍競取之恩由是得脫復逃入海島牢之縱軍暴掠士民失望朝廷憂恩復至以琰為會稽太守都督五郡軍事戍海浦

集

覽

烏程春秋楚為菰城春申君邑也秦置烏程縣屬會稽杜預曰在吳興郡北按吳興

今湖

質實

海島注見成帝咸康四年三吳注見簡文帝咸安二年石頭城名注

通鑑紀事本末卷之三十三 晉書卷之三十三
見漢獻帝建安十七年京口郡名注見成帝
咸和三年廣陵郡名注見漢武帝元朔五年
淮南盜起注見秦二世二年徐州注見秦始
皇二十八年彭城義興郡名注見孝武帝太
元十七年吳郡注見漢獻帝建安五年一統
志云烏程秦之縣名屬會稽郡因烏氏程氏
善釀故名漢永建中改屬吳郡孫吳於此置
吳興郡隋罷郡以縣屬蕪州尋置湖州宋屬
安吉州元屬湖州路 本朝因之為湖州府
治所仍屬焉浙江注見秦始皇三十七年擄
捕注見隋文帝開皇十七年彭城郡名注見
秦始皇二十八年劉敬宣彭城人牢之子

以會稽世子元顯錄尚書事

質實

會稽郡名注見漢和帝永

一元

時謂道子為東錄元顯為西錄西府車騎直
奏東第門可張羅元顯所親信率皆佞諛諷
禮官立議公卿以下見者皆拜時國用虛竭
公卿日廩七升而元顯聚歛不已富踰帝室

桓玄舉兵攻江陵殺殷仲堪楊佺期

考異

提要楊上

有及雍州刺史五字

殷仲堪恐桓玄跋扈乃與佺期結婚為援佺
期屢欲攻玄仲堪每止之玄恐終為殷楊所
滅乃求廣其所統執政亦欲構使乖離乃加
玄都督荊州四郡軍事又以玄兄偉代佺期

通鑑紀事本末卷之三十三 晉書卷之三十三

兄廣爲南蠻校尉。佗期忿懼，欲與仲堪共襲
玄。仲堪多疑，少決。苦禁止之。參軍羅企生謂
其弟遵生曰：「殷侯仁而無斷，必及於難。吾蒙
知遇，義不可去。必將死之。」是歲，荊州大水，仲
堪竭倉廩以賑饑民。玄欲乘其虛而伐之，乃
發兵西上，聲言救洛。先遣兵襲取巴陵，積穀
食之。仲堪遣楊廣等拒之，皆爲所敗。江陵乏
食，以胡麻廩軍。急召佗期自救。佗期曰：「江陵
無食可來相就，共守襄陽。」仲堪給之曰：「比來
救集已有儲矣。」佗期帥步騎八千至江陵。仲
堪唯以飯餉之。佗期大怒曰：「今茲敗矣，不見
仲堪與其兄廣共擊玄，大敗單騎奔還。仲堪
亦奔鄴。城玄遣將軍馮該追獲，皆殺之。」仲堪
奉天師道禱，請鬼神不吝財賄而嗇於周急。

好爲小惠以悅人，病者自爲診脈，分藥用計。
倚伏煩密而短於鑒畧，故至於敗。仲堪之走
也，文武無送者，惟羅企生從之。路經家門，遵
生曰：「作如此分離，何可不一執手？」企生旋馬
授手，遵生牽下之。曰：「家有老母，去將何之？」企
生揮淚曰：「今日之事，我必死之。汝等奉養不
失子道，一門之中有忠與孝，亦復何恨？」遵生
抱之愈急，遂不得去。及玄至荊州，人士無不
詣玄者。企生獨不往，而營理仲堪家事。玄遣
人謂曰：「若謝我，當釋汝。」企生曰：「吾爲殷荊州
史，荊州敗不能救，尚何謝爲？」玄乃收之。復問
欲何言，企生曰：「從公乞一弟以養老母。」玄乃
殺企生而集覽胡麻夢溪筆談曰：胡麻直是
赦其弟。今油麻更無他說，其角有六

稜者有八稜者中國麻今謂之大麻張騫始自大宛得油麻種亦謂之麻故以胡別之謂漢麻爲大麻鄴城即南陽鄴縣也注見漢高帝六年分藥分猶言合和倚伏注見梁孝元帝承聖元年分藥今按謂以質實跋廬注見漢質帝本初元年羅企生豫章人巴陵郡名注見宋文帝元嘉三年江陵縣名注見漢獻帝建安十年三

書法

方鎮相攻晉之不綱甚矣殷楊不書官罪之也罪之則曷爲不書誅玄不

得而誅之也

發明

桓玄何所以不書反所攻者江陵也仲堪佺期何以不書誅玄不得而誅之

也然則予之罪曰玄書舉兵則見其反叛之實安有天子在上而人臣擅自舉兵者哉仲堪佺期不書官則見其有罪之實安有方鎮大臣無職爲人所殺者哉要亦各致其責而已此輕重之權衡也

涼王光卒太子紹立庶兄纂殺而代之

考異立

作嗣殺當作弒據永嘉四年書漢王淵卒太子和立其弟聰弒而代之永和五年書趙主虎卒太子垂立其兄遵弒之及其太后劉氏而自立皆書弒不書殺

考證

立當作嗣○謹按呂

光據涼建國十有四年諄諄遺命授其在嫡諸子果如其言弟兄緝睦以禦外侮則涼祚豈易量哉紹受國於先君者也君也纂受先君遺命輔嗣皇為其太尉臣也違先君命殺紹而奪其國以臣弑君以庶奪嫡有國有家者可不監哉故當曰太子紹嗣庶兄纂弑而代之

光疾甚立紹為天王自號太上皇以太原公纂為太尉常山公弘為司徒謂紹曰今三隣伺隙吾沒之後使纂統六軍弘管朝政汝恭已無為委重二兄庶幾可濟若內相猜忌則蕭牆之變至矣又謂纂弘曰永業才非撥亂直以立嫡有常猥居元首汝兄弟緝睦則祚流萬世若內自相圖則禍不旋踵纂弘泣曰不敢及光卒紹秘不發喪纂排閣入哭盡哀

而出紹懼以位讓之纂不許光弟子超謂紹曰纂為將積年威震內外臨喪不哀步高視遠必有異志宜早除之紹曰先帝言猶在耳奈何棄之縱其圖我我視死如歸終不忍有此意也弘謂纂曰主上闇弱未堪多難兄宜為社稷計不可徇小節也纂弘於是夜帥壯士攻廣夏門左將軍齊從抽劍直前斫纂中額左右擒之纂曰義士也勿殺呂超帥卒二千赴難眾數憚纂不戰而潰纂入并殿紹自殺超奔廣武纂憚弘兵彊以位讓之弘不受纂乃即天王位以弘為大都督錄尚書事纂叔父方鎮廣武纂遣使謂曰超實忠臣義勇可嘉但不識權變之宜方賴其用可集覽業以此意諭之超上疏陳謝復其爵位

紹小 **質實** 太原郡名注見齊明帝建武三年并州蕭牆猶言屏牆也馮敬曰蕭

字 蕭也臣之見君至屏而加肅敬故曰蕭牆一統志云廣武古地名漢為枝陽縣地前涼置

廣武郡於此隋罷郡置廣武縣唐寶應間陷于吐蕃故城在臨洮府蘭縣西二百二十里

庚 **四年** 燕長樂二秦弘始二魏天興三年○南

年○西涼公李暠庚子元年○是歲西秦降秦舊大國三涼南涼北涼南燕小國四新小國一

凡八 **春**正月燕王盛自貶號為庶人天王○西

秦遷都苑川 **質實** 苑川郡名注見孝武帝太元十年

二月燕王盛襲高句麗拔二城

高句麗王安事燕禮慢燕王盛自將兵三萬襲之拔新城南蘇開境七百餘里 **質實**

高句麗東夷國名注見新莽始建國四年新城南蘇二城名未詳處所

三月魏立慕容氏為后

初魏王珪納劉頭眷之女寵冠後廷生子嗣及克中山獲燕王寶之幼女將立皇后用其國故事鑄金人以卜之慕容氏所鑄成遂立為后 **集覽** 鑄金人按元

立皇后皇子必先以金鑄其象而占 **質實** 中以鑄成者為吉不成則不得立也

國名注見周威
烈王二十三年

詔桓玄都督荆江八州軍事荆江州刺史 **考異**

提要無

詔字

玄既克荆雍表求領荆江詔以玄都督荆司
等七州軍事領荆州刺史玄固求江州乃加
督八州領二州刺史玄輒以兄 **質實** 荆雍二
備為雍州刺史朝廷不能違 **質實** 荆雍二

注見漢獻帝建安十二年雍注見漢獻帝建
安十二年襄陽江州名注見漢武帝元鼎五
年豫章司州名注見秦
莊襄王元年三川郡

涼呂弘作亂涼王纂殺之 **考異** 殺當作誅

涼王纂忌大司馬弘功高地逼弘亦自疑遂
以東苑之兵作亂纂遣兵擊之弘衆潰出走
纂兵大掠悉以東苑婦女賞軍弘妻子亦在
其中侍中房晷曰天禍涼室憂患仍臻雖弘
自取夷滅亦由陛下無棠棣之恩當省已責
躬以謝百姓乃更縱掠士女百姓何罪且弘
妻陛下之弟婦弘女陛下之姪也奈何使無
賴小人辱為婢妾乎遂歔歔流涕纂改容謝
之召弘妻子寘東宮厚撫之弘將奔南涼道
過廣武呂方見之大哭曰天下甚寬汝何為
至此乃執弘送 **集覽** 棠棣之恩棠棣小雅詩
獄纂遣人殺之 周公弔二叔之不咸而

晉書卷一百一十五 晉書卷一百一十五

使兄弟之恩疏召公為作此詩而歌之以親之在傳信二十四年富辰日召穆公思周德之不類故糾合宗族于成周而作詩曰棠棣之華鄂不韡韡凡今之人莫如兄弟

實

東苑地名未詳處所

北涼以李暠為敦煌太守

初隴西李暠好文學有令名孟敏為沙州刺史以暠為效穀令敏卒治中索僊等以暠溫毅有惠政推為敦煌太守請於段業業因授之將軍索嗣言於業曰暠不可使處敦煌業以嗣代暠使帥五百騎之官暠遣同母弟宋繇逆擊之嗣敗走還暠表業請誅嗣業乃殺

之

集覽

效穀敦煌郡效穀縣本魚澤障漢武時濟南崔不意為魚澤尉教民力田

以勤效得穀因立縣名焉按

質實

隴西郡名注見秦王

敦煌在長安西二千八百里

政三年沙州注見漢武帝元朔三年敦煌治

中官名事物紀原云秦置郡丞以佐郡守左

邊為長史掌兵馬漢因之又設治中別駕於

右邊主眾曹文書隋開皇中改別駕治中為

長史司馬大業中罷之尋置贊治又治通守

唐武德中又改贊治曰治中敦煌郡名注見

漢武帝元

朔三年

夏五月孫恩復寇會稽太守謝琰敗死恩轉寇

臨海遣兵討之不克

謝琰鎮會稽不能緩懷又不為武備諸將咸諫曰賊近在海浦伺人形便宜開其自新之路琰不聽既而恩寇浹口入餘姚破上虞乘勝徑至會稽琰出戰兵敗為帳下所殺恩轉寇臨海朝廷大震遣將軍桓石

質實

一統志云浹口

才高雅之等拒之為恩所敗即大浹江之口在寧波府定海縣治南東晉末劉裕與孫恩戰退浹口即此餘姚縣名注見康帝建元元年上虞古邑名舜封支庶於會稽故邑即此秦為縣屬會稽郡東漢順帝時分置始寧縣隋初以上虞始寧二縣廢入會稽縣唐貞元初復置上虞縣屬越州宋

元俱仍舊 本朝因之改屬紹興府 臨海郡名注見孝武帝太元二年

六月朔日食○秋七月太皇太后李氏崩○秦

擊西秦西秦王乾歸戰敗奔南涼遂奔秦

後秦遣姚碩德伐西秦西秦王乾歸使將軍慕兀等屯守秦軍樵采路絕秦王與潛引兵救之乾歸聞之自將輕騎數千前候秦軍會大風昏霧與中軍相失入於外軍戰敗走歸其眾皆降與進軍枹罕乾歸奔金城將復西走謂諸豪帥曰今舉國而去必不得免卿等宜留此降秦以全宗族皆曰生死願從陛下乾歸曰吾今將寄食於人若天未亡我庶幾

異日克復舊業復與卿等相見今相隨而死無益也乃大哭而別遂奔允吾乞降於南涼南涼王利鹿孤待以上賓秦兵既退南羗梁戈等密招乾歸乾歸將應之或以白利鹿孤乾歸懼為所殺乃送太子熾磐等於西平南奔枹罕遂降於秦久之熾磐亦逃歸

集

覓

允吾允音鉛吾音牙縣名也屬金城郡在河西

質實

枹罕縣名注見漢靈帝中

平元年金城郡名注見元帝永昌元年允吾縣名注見漢光武建武中元二年

九月地震

書法

自晉武太康九年書地震至是一百一十三年然後復見自是至於五代

書地震九而已然則地震之數莫甚於兩漢者矣兩漢書地震九十

冬十一月詔劉牢之討孫恩走之

劉牢之討孫恩走入海牢之東屯上虞使劉裕戍句章吳國內史袁崧築滬瀆壘以備之

集覽

句章注見漢武帝元鼎六年滬瀆滬水名滬瀆在秀州華亭縣東江之側

蓋虞潭袁崧防海處又在蘓州吳縣界陸龜蒙叙矢魚之具云列竹於海溼曰滬

質

實

吳國注見漢獻帝建興三年袁崧陽夏人喬之子一統志云滬瀆城名在蘓州府城

東一百里唐陸龜蒙叙矢魚之具云列竹於海篋曰滬蓋以此名瀆也吳郡太守袁崧築

壘于此以備孫恩今名
滄瀆城又名袁崧城

以會稽世子元顯都督楊豫等十六州軍事○

李嵩自稱涼公

北涼晉昌太守唐瑤叛移檄六郡推嵩為沙
州刺史涼公嵩遣宋繇東伐涼興并擊玉門
巴西諸城皆下
質實 晉昌郡名注見漢靈帝
中平五年沙州注見漢

武帝元朔三年玉門
關注同上元鼎二年

十二月有星孛于天津會稽世子元顯解錄尚

書事

元顯以星變解錄尚書事復加尚書令吏部
尚書車胤以元顯驕恣白會稽王道子請禁
抑之元顯問道子曰車武子屏人言及何事
道子怒曰爾欲幽我不令與朝士語邪元顯
出謂其徒曰胤聞我父子胤懼自殺魏太史
屢奏天文乖亂魏主珪自覽占書云當改王
易政乃下詔風厲群下以帝王繼統皆有天
命不可安干又數變易官名欲以厭塞災異
集覽 厭塞厭音益涉反
質實 天津注見義熙
十四年車胤南
平人育之子武
子車胤表字

魏置僊人博士

儀曹郎董謚狀服餌僊經珪置僊人博士立僊坊煮鍊百藥成令死罪者試服之不驗而訪求不已

書法

僊人博士何方士也魏主卒以寒食散誤故特書譏之自是服僊藥者唐太宗於天竺方士憲宗於柳泌武宗於趙歸真宣宗於李玄伯受誤不一書矣綱目書方士十四人詳秦始皇二十八年書僊人博士者一而已

發明

魏前日置五經博士是也今乃置僊人博士此何義哉且所謂僊者徒有其名而已而乃置官以領之則其繆妄不言可知書以譏之宜矣

魏殺其左將軍李粟

魏主珪常以燕主垂諸子分據勢要使權柄下移遂至敗亡深非之博士公孫表希旨上韓非書勸珪以法制御下李粟性簡慢對珪踈放不肅咳唾任情珪積其宿過誅之群下皆震

質實

韓非書即刑名法律之學注見漢武帝建元元年

南燕王德稱帝更名備德

備德嘗問群臣朕可方古何王鞠仲曰陛下中興聖主少康光武之儔也備德顧左右賜

仲帛千匹仲以多辭備德曰卿知調朕朕不知調卿邪韓範進曰天子無戲言今日之論君臣俱失備德大悅賜範絹五十匹

質實

少康夏后氏中興之君詳見通鑑外紀

武東漢中興之君

詳見漢書本紀

辛丑五年燕王慕容熙光始元秦弘始三魏天興四年○涼王呂隆神鼎元北涼王沮渠

蒙遜永安元年考異王當作王提要春正月南涼置都

督中外錄尚書官

南涼王利鹿孤欲稱帝將軍輸勿崙曰吾國被髮左衽無冠帶之飾逐水草遷徙無城郭

室廬故能雄視沙漠抗衡中夏今舉大號順民心然建都立邑難以避患儲畜倉庫啓

敵人心不如處晉民於城郭勸課農桑以供資儲帥國人以習戰射鄰國弱則乘之疆則

避之此久長之策也且虛名無實徒為世之質的將安用之利鹿孤乃更稱河西王以其

弟儁檀都督中外錄尚書事

集覽

輸勿崙人名輸托侯反質的詩發彼有的注毛

云的質也周禮注鄭衆馬融云鵠之中二尺曰正四寸曰質王肅又引小爾雅鵠之中謂

之正正方二尺正中謂之棊棊則質也今按卿射記天子熊侯白質諸侯麋侯赤質大夫

布侯畫虎豹士布侯畫鹿豕凡畫者丹質鄭云白質赤質皆謂采其地又荀子質的張而

弓矢至馬楊倬注云質射侯也的正鵠也然則毛以的爲質鄭馬謂四寸曰質王謂正之中爲槩而槩爲質者皆誤矣

質實

披髮左衽注見漢靈

帝中平二年沙漠注見

宋文帝元嘉元年沙南

二月孫恩寇句章劉牢之擊走之

考異

擊走當作討破

據三年書劉牢之討破之四年書遣兵討之劉牢之討孫恩走之並不書擊

○秦使

乞伏乾歸還鎮苑川

質實

苑川地名注見孝武帝太元十年

涼呂超弒其君篡而立其兄隆篡后楊氏自殺

纂嗜酒好獵太常楊穎諫之不悛番禾太守呂超擅擊鮮卑思盤纂命超及思盤入朝超懼至姑臧深自結於殿中監杜尚纂見超責之曰卿恃兄弟桓桓乃敢欺吾要當斬卿天下乃定然實無意殺之也因引超思盤及群臣宴於內殿超兄中領軍隆數勸纂酒纂醉超取劍擊殺之纂后楊氏命禁兵討超杜尚止之皆捨杖不戰超讓位於隆隆遂即天王位以超都督中外錄尚書事楊后將出宮超恐其挾珍寶命索之后曰爾兄弟不義手刃相屠我旦夕死人安用寶爲超又問玉璽所在后曰已毀之矣后有美色超將納之謂其父桓曰后若自殺禍及卿宗桓以告后后曰大人賣女與氏以圖富貴一之謂甚其可再

平遂自殺 **集覽** 番禾音盤和武威郡屬縣在涼州或曰金城郡邑桓桓書

牧誓篇勗哉夫子尚桓桓 **質實** 河西郡名注蔡氏傳曰桓桓威武貌 見漢安帝元

初元年

書法 秦后毛氏書死之孝武帝太元十四年此其書自殺何毛氏死難書死之

宜也呂纂之弑楊氏非有決死之心不為呂超所逼未必自殺其與死難者固異矣

書曰自殺權衡之辭也

三月孫恩攻海鹽劉裕擊破之

提要 攻作寇據上會稽臨海句章下丹徒皆書寇此誤書攻當從提要作寇○又誤書擊

當作討

恩北趣海鹽劉裕隨而拒之城兵少裕夜偃旗匿衆明晨開門使羸疾數人登城賊遙問裕所在曰夜已走矣賊爭入城裕奮擊大破之恩乃進向滬瀆裕復追之不利引歸

集覽 海鹽今嘉興府海鹽州按嘉興古秀州也在浙西 **質實** 一統志

秦之縣名屬會稽郡漢因之王莽改曰辰武縣後陷為湖移治武原鄉改為武原縣東漢復為海鹽屬吳郡又改為故邑縣晉復為海鹽陳省入鹽官縣唐初復置五代晉時屬秀

州宋初仍舊後屬嘉興府元陞
為州 本朝仍為縣屬嘉興府

南涼擊涼徙其民二千戶以歸

其後南涼王利鹿孤命群臣極言得失從事
史暉曰陛下命將出征往無不捷然不以緩
寧為先唯以徙民為務民安土重遷故多離
叛此所以斬將擐旗而地不加廣也利鹿孤

善集覽擐旗注見陳宣
帝太建十一年

夏五月北涼沮渠蒙遜弒其君業

北涼王業憚沮渠蒙遜勇畧蒙遜亦深自晦
匿張掖太守馬權素豪雋為業所親重意輕

蒙遜蒙遜譖而殺之乃謂其兄男威曰段公
非撥亂之主向所憚者馬權今權已死欲除
之以奉兄何如男威曰人親信我圖之不祥
蒙遜乃求為西安太守因與男威約同祭蘭
門山而陰使人先告男威欲為亂以求祭蘭
門山為驗至期果然業收男威賜死男威曰
蒙遜先與臣謀反臣以兄弟之故隱而不言
今以臣在恐部眾不從故約臣祭山而反誣
臣其意欲王之殺臣也乞詐言臣死暴臣罪
惡蒙遜必反然後使臣討之無不克矣業不
聽殺之蒙遜泣告眾曰男威忠於段王而無
故枉殺之諸君能為報讐乎男威素得眾心
眾皆憤怒爭奮北至氐池羗胡多起兵應之
業先疑將軍田昂囚之至是召之使討蒙遜

昂以眾降葉軍遂潰蒙遜入張掖葉謂曰孤
孑然一已為公家所推願丐餘命東還與妻
子相見蒙遜斬之葉儒素長者無他權畧威
禁不行群下擅命充信卜筮巫覡故至於敗
質實張掖郡名注見漢後主建興十三年西
安郡名未詳沿革蘭門山未詳處所氏
池未詳處所巫覡注
見漢隱帝乾祐三年

孫恩陷滬瀆殺吳國內史袁松質實滬瀆城名
注見隆安

四年吳國注見漢
獻帝建興三年 ○六月孫恩寇丹徒劉裕擊

波之恩北走陷廣陵考異擊嵩
作討

孫恩浮海奄至丹徒戰士十餘萬樓船千餘
艘建康震駭內外戒嚴劉牢之使劉裕自海
鹽入援裕兵不滿千人倍道兼行與恩俱至
丹徒守軍莫有鬪志恩帥眾鼓譟登蒜山居
民皆荷擔而立裕帥所領奔擊大破之恩狼
狽僅得還船然恩猶恃眾復整兵向京師譙
王尚之帥精銳馳至恩樓船高大泝風不得
疾行數日乃至白石聞尚之在建康牢之至
新洲乃浮海北走郁洲攻陷廣陵桓玄厲兵
訓卒常伺朝廷之隙聞恩逼京師建牙聚眾
請討之後將軍元顯大懼會**集覽**建牙注見
恩退以詔書止之玄乃解嚴
平三年 **質實**丹徒縣名注見漢景帝三年建
牙門 **質實**康郡名注見漢獻帝興平二年

一統志云蒜山在鎮江府城西五里大江岸
上山多澤蒜因名或云吳周瑜與蜀諸葛亮
議拒曹操于此籌筭又曰筭山東晉末劉裕
大破孫恩于此南唐徐知誥嘗遊此山會僚
屬狼狽注見漢獻帝初平二年京師注見周
顯王二十五年白石壘名注見宋明帝泰始
元年自下新洲未詳處所郁洲山名在淮安
府朐山東北海中有大洲謂之鬱洲又名郁
洲一名郁鬱山一名蒼梧
山或云昔從蒼梧飛來

沮渠蒙遜自稱張掖公

亦號
北涼

秋七月魏徇許昌東至彭城

質實

許昌縣名注
見漢獻帝興

平元年彭城郡名注
見秦始皇二十八年

秦伐涼大破之西涼南

涼北涼皆遣使人貢於秦

涼王隆多殺豪望人不自保魏安人焦朗使
人說後秦姚碩德曰呂氏兄弟相賊政亂民
饑乘其篡奪之際取之易於反掌不可失也
碩德以告其主興而從之自金城濟河直趣
姑臧隆遣呂超等逆戰碩德大破之隆嬰城
固守於是西涼公嵩河西王利鹿孤張掖公
蒙遜各遣使奉表入貢於秦秦主興
聞楊桓之賢而徵之利鹿孤不敢留

集覽

姑臧

涼所都注見漢光武建武十二年

質實

魏安疑是郡縣之名按一統志襄陽府漢

川縣即西魏時魏安郡又重慶府墊江縣乃後周時魏安縣此二處未知孰是所以不敢註之智者察焉河西郡名注見漢安帝元初元年

八月以劉裕為下邳太守討孫恩於郁洲大破

之

質實

下邳郡名注見漢高帝六年

思由是衰弱復緣海南走裕隨而擊之

燕段璣弒其君盛太后丁氏立盛叔父熙討璣

殺之

考異

按璣弒逆之臣當書誅誤作殺

燕王盛懲其父寶以懦弱失國自矜聰察多所猜忌群臣有讎介之嫌皆先事誅之人不自保初段太后兄之子璣為反者段登辭所連及逃奔遼西復還歸罪盛赦之使尚公主入直殿內至是作亂盛帥左右出戰被傷而卒中壘將軍慕容拔白太后丁氏以國家多難宜立長君時衆望在盛弟平原公无而河間公熙素得幸於丁氏乃廢太子定迎熙入宮即天王位捕璣等夷三族无定皆賜死

集覽

尚公主公羊傳注天子嫁女於諸侯必有諸侯同姓者王之故謂之公主漢書注劉貢父曰予謂公主之稱本諸秦舊男為公

子女爲公主古者大夫妻稱主故以公配之若謂同姓主之故謂之公主則是周之事秦不知用也帝昭曰尚奉也奉事公主也質實遼郡名注見漢獻帝建安十年平原郡名注見漢光武建武五年河間郡名注見漢帝立更始二年

九月涼王隆遣使降秦

秦隴西公碩德圍姑臧累月撫納夷夏分置守宰節食聚粟爲持久計呂超言於涼王隆曰今資儲內竭上下嗷嗷富卑辭以退敵敵去之後修政息民若卜世未窮何憂舊業之不復若天命去矣亦可保全宗族隆乃遣使請降於秦碩德表隆爲涼州刺史碩德軍令嚴整秋毫不犯祭先賢禮名士西土悅之質實隴西郡名注見秦王政三年

冬十一月劉裕追擊孫恩破之

考異

此誤書擊當作討

○涼攻魏安南涼救之

救

涼呂超攻焦朗於魏安朗請迎於南涼利鹿孤遣將軍傉檀赴之比至超已退朗閉門拒之傉檀怒將攻之將軍俱延曰朗孤城無食今年不降後年自服何必多殺士卒以攻之若其不捷彼必去從他國棄州境士民以資隣敵非計也不如以善言論之傉檀乃與朗

連和尋
伐取之

桓玄表桓偉鎮夏口刁暢鎮襄陽

桓玄表其兄偉為江州刺史鎮夏口司馬刁暢督八郡鎮襄陽遣其將馮該戍湓口自謂有晉國三分之二數使人上巳符瑞欲以惑眾又致牋於會稽王道子曰賊造近郊以風不得進食盡故去非力屈也昔國寶死後王恭不乘此威入統朝政足見其心非侮於朝公也而謂之不忠今之腹心誰有時望豈無佳勝直是不能信之耳元顯見之大懼張法順謂曰玄承藉世資素有豪氣既并殷楊專有荆楚第下所控引止二吳耳今東土塗地

公私困竭玄必乘此縱其姦凶元顯曰為之奈何法順曰玄始得荊州人情未附若使劉牢之為前鋒而以大軍繼進玄可取也元顯以為然會武昌太守庾楷密使人自結於元顯請為內應元顯大喜遣法順至京口謀於牢之牢之以為難法順還曰觀牢之言色必貳於我不如召入殺之不爾敗人大事元顯不從於是大治水軍謀討玄

集覽

殷楊

質實

江州注見漢武帝元鼎五年豫章夏口地

謂殷仲堪楊佺期前年為玄所殺也名注見漢獻帝建安十三年湓口地名注見元興三年襄陽縣名注見漢獻帝建安十二年武昌郡名注見漢後王建興七年

壬寅元興元年燕光始二秦弘始四魏天興五春

正月以尚書令元顯為征討大都督加黃鉞討

桓玄考異 提要作會稽世子元顯

下詔罪狀桓玄以元顯為驃騎大將軍征討大都督加黃鉞劉牢之為前鋒譙王尚之為後部張法順言於元顯曰桓謙兄弟每為上流耳目而牢之反覆萬一有變則禍敗立至可令牢之殺謙兄弟以示無貳若不受命當逆為其所元顯曰今非牢之無以敵玄且始事而誅大將人情不安又以桓沖有遺惠於荆土而謙其子也乃除謙荆州刺史以結西

人之質實黃鉞注見漢後主建興六年桓沖譙國人爨之子荆州注見漢獻帝

建安十二年

柔然據漠北自稱可汗

初魏主珪遣賀狄干獻馬求昏於秦秦王興聞魏已立慕容后止狄干而絕其昏由是魏與秦有隙攻其屬國沒奕干黜弗素古延柔然社崙方睦於秦遣將救之大敗遠遁漠北奪高車之地而居之遂吞併諸部土馬繁盛雄於北方其地西至焉耆東接朝鮮南臨大漠旁側小國皆羈屬焉自號豆代可汗始立約束以千人為軍軍有將百人為幢幢有帥

攻戰先登者賜以虜獲畏
懦者以石擊其首殺之

集覽

沒奕干注見
穆帝升平四

年黜弗素後秦之屬國古延亦後秦
屬國柔然社崙社崙柔然國王名

質實

焉
蒼

西域國名注見漢安帝永寧元年朝
鮮東夷國名注見漢武帝元封二年

南涼攻涼顯美克之

南涼王禿髮傉檀克顯美執太守孟禕而責
其不早降禕曰禕受呂氏厚恩分符守土若
明公大軍甫至望旗歸附恐獲罪於執事矣
傉檀釋而禮之以為左司馬禕辭曰禕為人
守城不能全後忝顯任於心竊所未安若蒙
明公之惠使得就戮姑臧死且不朽傉檀義

而遣

質實

顯美疑是郡名未詳沿革姑臧
縣名注見漢光武建武十二年

桓玄與兵反

東土遭孫恩之亂因以饑饉漕運不繼桓玄
禁斷江路商旅俱絕公私匱乏以糗橡給士
卒玄謂朝廷多虞必未暇討已可以蓄力觀
釁及聞大軍將發乃大驚欲完聚保江陵長
史卞範之曰明公威振遠近元顯口尚乳臭
劉牢之大失物情若兵臨近畿示以禍福土
崩之勢可翹足而待何有延敵入境自取窮
蹙者乎玄從之留桓偉守江陵抗表傳檄罪
狀元顯舉兵東下檄至**集覽**糗橡糗扶牛反
元顯大懼下船而不發**集覽**糗粥也橡似兩

友桷 **質實** 饑饉注見義熙十年江陵縣名注
實也 見漢獻帝建安十三年傳檄注見

楚義帝元年檄翹足注
見漢光武建武九年

書法 書討書拒恒也此其書及何討玄之
師未至而玄兵先至始孰矣元顯逗

遇之罪可
勝誅哉

二月魏襲浚奕于浚奕于奔秦

魏常山王遵等率兵襲浚奕于至高平浚奕
于棄其部眾帥數千騎與劉勃勃奔秦州魏
軍盡獲其府庫蓄積馬四萬餘匹徙其
民於代都復遣兵侵河東長安大震 **集覽**

質實 高平縣名注見漢光
武建武六年秦州注

同 上 建武八年河東郡名注見漢獻帝
建安七年長安縣名注見漢惠帝五年

秦立子泓為太子

泓孝友寬和喜文學善談詠而懦弱多病
秦王興欲以為嗣而狐疑不決父乃立之 **質**

實 狐疑注見秦
王政三年

北涼攻涼姑臧不克

姑臧大饑餓死者十餘萬口城門晝閉樵采
路絕沮渠蒙遜引兵攻之涼王隆擊破其軍

蒙遜請盟留穀
萬餘斛遺之

玄兵至姑孰三月劉牢之叛附於玄元顯璽潰
玄入建康自以太尉總督揆殺元顯等以牢之
為會稽內史牢之自殺

桓玄發江陵慮事不捷常為西還計及過尋
陽甚喜詔遣齊王柔之以騶虞幡止之為玄
所殺玄至歷陽襄城太守司馬休之敗走譙
王尚之衆潰玄捕獲之劉牢之素惡元顯又
慮功高不為所容自恃材武擁彊兵欲假玄
以除執政復伺玄隙而自取之參軍劉裕請
擊玄牢之不許玄使牢之族舅何穆說之曰
自古戴震主之威挾不賞之功而能自全者
誰邪今戰勝則傾宗戰敗則覆族不若翻然
改圖則可以長保富貴矣牢之遂與玄通東
海何無忌牢之之甥也與劉裕極諫不聽其
子敬宣又諫牢之怒曰吾豈不知今日取玄
如反覆手但平玄之後令我柰驃騎何遂遣
敬宣詣玄請降玄陰欲誅牢之乃與敬宣宴
飲陳名書畫共觀之以安悅其意敬宣不覺
也元顯將發聞玄已至新亭棄船退軍二日
復出陳於宣陽門外軍中相驚言玄已至南
桁元顯遂引兵欲還宮玄遣人拔刀隨後大
呼曰放仗軍人皆奔潰元顯走入東府玄遣
從事收縛數之元顯曰為法順所誤耳玄入

京師稱詔解嚴自爲丞相總百揆都督中外
錄尚書事揚州牧復讓丞相而爲太尉以桓
偉爲荊州刺史桓脩爲徐兗刺史桓石生爲
江州刺史卞範之爲丹陽尹王謐爲中書令
徒會稽王道子於安成郡斬元顯尚之庾楷
張法順以劉牢之爲會稽內史牢之曰始爾
便奪我兵禍其至矣敬宣勸牢之襲玄牢之
猶豫告劉裕曰今當北就高雅之於廣陵舉
兵以匡社稷卿能從我乎裕曰將軍以勁卒
數萬望風降服彼新得志威震天下朝野人
情皆已去矣廣陵可得至邪豫當反服還京
口耳退謂何無忌曰吾觀鎮北必不免卿可
隨我還京口玄若守臣節當與卿事之不然
當與卿圖之於是牢之大集僚佐議據江北

以討玄參軍劉襲曰事之不可者莫大於反
將軍往年反王兖州近日反司馬即君今復
反桓公一人三反何以自立語畢趨出佐吏
多散走牢之懼帥部曲北走至新洲縊而死

集覽

騶虞幡注見惠帝元康元年柰騶騎何
時元顯爲驃騎將軍牢之素惡之故云

新亭金陵覽古新亭在江寧縣南十里附近
江渚周顛嘗與群公遊宴于此南桁桁與航
通方舟也駕方舟以爲橋在國之南故名南
桁放仗呼令放棄兵仗東府輿地志東府城
晉安帝所築其城西本簡文帝爲會稽時第
其東丞相會稽王道子府謝安石薨以道子
代鎮揚州州在第西故時人號爲東府西州
總百揆書舜典納于百揆蔡氏傳曰揆度也

百揆揆度庶政之官惟唐質實姑孰縣名注

虞有之猶周之冢宰也見明帝太寧

元年尋陽縣名注見漢獻帝建安十五年歷

陽縣名注見漢冲帝永嘉元年襄城郡名注

見周赧王十五年東海郡名注見秦二世二

年一統志云新亭在應天府城南一十五里

附近江渚東晉初過江僕射周顛與群公遊

宴于此顛嘆曰風景不殊舉目有江河之異

因而流涕王導曰諸公當戮力王室克復神

州何至作楚囚對泣耶衆皆肅然整容東府

城名在應天府青溪橋東南臨淮水晉會稽

王道子領揚州其宅在州東故號曰東府安

成郡三國吳所置治平都縣晉廬陵郡屬揚

州安成郡屬荊州元康初俱屬江州隋廢二

郡以廬陵縣置吉州大業初復為廬陵郡唐

改吉州天寶初改廬陵郡乾元初復為吉州

屬江南西道宋屬江南西路元初為吉州路

後改吉安路 本朝改為吉安府屬江西道

丹陽郡名注見漢獻帝興平二年金陵猶豫

注見秦孝文王元年京口郡名注見成帝咸

和三年王兖州謂王恭司馬即君謂司馬元

顯桓公謂桓玄部曲注見唐代宗廣德元年

書法

詳牢之懲 叛者也

發明

前日王恭書反故牢之無嫌於執之

以降今日桓玄書反是亦前日之王

恭也牢之不惟不能討玄而誅之乃為其

所怵反附於玄故綱目書叛以正其誅夫

通鑑綱目卷之三十三 晉書卷之三十三 三十三
小人反覆本不足道也特書法之間不可
以不嚴爾○桓玄隆安二年已與王恭同
反陷江州時玄尚未有所統朝廷既不能
討乃就用爲刺史未幾又加都督四郡反
欲仗玄以制殷揚二人既戮玄遂都督荆
江八州非復前日之玄矣孫恩連年入寇
玄幸晉朝顛覆以爲已利又表桓備鎮夏
口刁暢鎮襄陽兇威既熾朝廷方謀討之
玄遂舉兵肆逆誘牢之破官軍殺元顯自
總百揆於是篡勢竟成不可復止然玄本
斗筭之才初非其父温之比遭值晉室衰
微得逞其欲追繼乃父凶德以成厥志綱
目削去其官書反書討書入不以亂故不
正其名然而時元顯任征討之責不戰
而潰遂無一人抗拒其與王蘇之亂死節
赴難者史不絕書大不侔矣君子觀此又
可以知晉氏
之盛衰云

孫恩寇臨海郡兵擊破之恩赴海死玄以恩黨

盧循爲永嘉太守

考異

擊當作討

孫恩寇臨海太守辛景擊破之恩所虜三吳
男女死亡殆盡恐爲官軍所獲乃赴海死其
黨從死者以百數謂之水僊餘衆數千人復
推恩妹夫盧循爲主循謀之魯孫也神采清
秀雅有才藝少時沙門惠遠嘗謂之曰君雖
體涉風素而志存不軌如何桓玄欲撫安東

土乃以循為永嘉守循
集覽 三吳蕪子瞻指
雖受命而寇暴不已
掌圖序三蜀三

吳之已殊注云三吳今蕪潤湖三州是也臨
海本漢時治縣地吳分為東部都尉在臨海

後置臨海郡唐改為台州永嘉晉明
帝立永嘉郡唐改温州宋升瑞安府

郡名注見考武帝太元二年不軌注見漢靈
帝和光五年永嘉郡名注見漢惠帝三年東

甌

書法 書玄以何著
再亂之由也

南涼王利鹿孤卒弟得檀立
考異 立當
作嗣

始稱涼王
徙樂都
質實 樂都郡名注見漢宣
帝元康四年湟中

夏四月玄出屯姑孰

玄辭錄尚書事出屯姑孰大政皆就諮焉小
事則決於尚書令桓謙及卞範之自隆安以
來人厭禍亂玄初至黜奸佞擢雋賢京師欣
然冀得少安既而奢豪縱逸凌侮朝廷裁損
乘輿供奉帝幾不免
饑寒衆由是失望
質實 姑孰縣名注見明
帝太寧元年乘輿
注見漢安帝
延光四年

三吳大饑

三吳大饑戶口減半臨安永嘉殆盡富室皆衣羅紈懷金玉閉門餓死

五月盧循寇東陽劉裕擊走之

考異

按上文書寇此擊字

當作

質實


東陽郡名注見哀帝興寧三年

○秦王興攻魏敗績

其將姚平死之

秦王興大發諸軍遣義陽公平等將以伐魏興自將大軍繼之平攻魏乾壁拔之魏主珪遣長孫肥為前鋒自將大軍繼後以禦之平遣驍將帥精騎二百覘魏軍肥逆擊盡擒之平退走珪追及於柴壁平嬰城固守魏軍圍之興將兵四萬救之將據天渡運糧以餽平

魏博士李先曰兵法高者為敵所棲深者為敵所囚今秦皆犯之宜遣奇兵先據天渡柴壁可不戰而取也珪命增築重圍內防平出外拒興入將軍安周曰汾東有蒙坑東西三百餘里蹊徑不通興來必從汾西直臨柴壁如此虜聲勢相接重圍雖固不能制也不如為浮梁渡汾西築圍以拒之虜至無所施其智力矣珪從之帥步騎三萬逆擊興於蒙坑之南興退走四十餘里平亦不敢出興屯汾西東柏材從汾上流縱之欲以毀浮梁魏人皆鉤取為薪平糧竭矢盡夜悉衆突圍不得出乃帥麾下赴水死餘衆二萬餘人皆斂手就擒興力不能救舉軍慟哭數遣使求和於魏珪不許乘勝進攻蒲坂會柔然謀伐魏乃



引兵 **集覽** 汾東有蒙阮蒙阮在 **質實** 義陽郡 名注見

梁武帝太清二年汾東汾水之東注見周威 烈王二十三年汾西汾水之西注同上年浮 梁注見周世宗顯德二年麾下注見漢獻帝 建安十四年蒲坂縣名注見周赧王十二年

將軍司馬休之劉敬宣高雅之奔南燕

玄殺吳興守高素將軍竺謙之及劉襲等皆 牢之比府舊將也襲兄軌邀司馬休之劉敬 宣高雅之等共據山陽欲起兵攻玄不克而 走將軍袁虔之劉壽等皆往從之將奔魏至 陳留南分為二輩軌休之敬宣奔南燕虔之 壽等奔秦魏王初聞休之等當來大喜後惟

其不至令兗州求訪獲其從者問之皆曰聞 崔逞被殺故奔二國魏王深悔之自是士人 有過頗 **集覽** 崔逞被殺事 **質實** 吳興郡名注 見優容 在隆安三年 **質實** 見宋明帝泰 始六年山陽郡名注見帝奕太和四 年陳留郡名注見周顯王二十九年

燕王熙殺其太后丁氏 **考異** 一本作燕王誤按 殺字當作弑據太

元二十一年書燕王寶 弑其太后段氏不書殺

燕王熙納苻謨二女有寵丁太后怨恚與兄 子尚書信謀廢熙立章武公淵事覺熙逼丁 太后令自殺 **質實** 章武郡名注見 併殺淵及信 **質實** 穆帝升平四年

書法

成殺故主班母羅氏非母后也故書殺丁氏書太后矣則其不書弒何罪

發明

此何以不書弒丁既失身於熙故不得為其君母然猶書太后者所以著熙墻茨之醜也

玄殺會稽王道子

玄使御史杜林防衛道子至安成林承玄旨醜之

質實

會稽郡名注見漢和帝永

元元年

北涼梁中庸奔西涼

北涼西郡太守梁中庸叛奔西涼西涼公嵩問曰我何如索嗣中庸曰未可量也嵩曰嗣才度若敵我者我何能於千里之外以長繩絞其頸邪中庸曰智有短長命有成敗若以身死為負計行為勝則公孫瓚豈賢於劉虞邪嵩默然

集覽

我何如索嗣前年李

嵩擊索嗣嗣敗走還公孫瓚豈賢於劉虞漢獻帝詔瓚討烏桓令受虞節度瓚性貪殘虞性仁愛二人不相平虞遂為瓚所斬事在初平四年

秦遣使授南涼北涼西涼官爵

癸卯二年燕光始三秦弘始五魏天興六年春盧○是歲涼亡大三小四凡七僭國

循使其黨徐道覆寇東陽建武將軍劉裕擊破

之擊當考異作討

道覆循之姊夫也

桓玄自為大將軍

玄上表請帥諸軍平關洛而諷朝廷不許乃云奉詔故止玄初欲飭裝先命作輕舸載服

玩書畫或問其故對曰兵凶戰危脫質實有意外當使輕而易運衆皆笑之關

即關中洛陽也關中注見唐玄宗開元十一年京兆洛陽注見周顯王三年

夏四月朔日食○南燕遣使隱覈蔭戶

南燕王備德優遷徙之民使之長復不役民緣此迭相蔭冒或百室合戶或千丁共籍以

避課役尚書韓諱請加隱覈備德從集覽長

之使諱巡行郡縣得蔭戶五萬八千復音福除也長復永父除免徭賦也諱竹角反

五月燕作龍騰苑

燕王熙作龍騰苑方十餘里役徒二萬人築景雲山於苑內基廣五百步峯高十七丈

質實 龍騰苑未詳處所

秋七月魏殺其平原太守和跋

跋奢豪喜名魏主珪惡而殺之使其弟毗等就與訣跋曰灑比土瘠可遷水南勉為生計毗等諭其意逃入秦魏主怒滅其家將軍鄧淵從弟暉與跋善以譖之曰毗之出亡暉實送之魏主疑淵知其謀賜淵死

集覽 灑注見愍帝建興元年

秦徵呂隆為散騎常侍以王尚為涼州刺史

南北涼互出兵攻呂隆秦之謀臣言於秦主興曰隆今饑窘尚能自支若將來豐贍終不為我有不如因其危而取之興乃徵呂超入侍遣齊難帥兵迎之隆素車白馬迎于道旁難以司馬王尚行涼州刺史鎮姑臧徙隆宗族及民萬戶于長安興以隆為散騎常侍超為安定守郭磨奔

集覽 郭磨姓名質實涼州晉秦人追殺之磨奴昆反注見

唐中宗景龍二年長安縣名注見漢惠帝五年姑臧縣名注見漢光武建武十二年安定郡名注同

上元年

劉裕追虜循至晉安破之

何無忌潛詣裕勸於山陰起兵討桓玄裕謀於士豪孔靖靖曰山陰去都道遠舉事難成不如待玄篡位於京口圖之裕從之質實晉安郡名注見漢武無忌東海郟人一統志云山陰秦之縣名屬會稽郡以邑在山之陰故名漢為郡都尉治東漢徙會稽郡治此隋初廢入會稽縣唐初復置宋元俱仍舊本朝因之為紹興府治所仍屬焉

九月玄自為相國封楚王加九錫

殷仲文卜範之勸玄早受禪朝廷冊命玄為相國總百揆封楚王加九錫楚國置丞相以下官桓謙私問彭城內史劉裕曰楚王勳德隆重朝廷之情咸謂宜有揖讓卿以為何如劉裕曰楚王勳德蓋世晉室民望久移乘運禪代有何不可謙即喜曰卿謂之可耳質實九錫注見漢平帝元始五年桓謙譙國人

南燕講武城西

高雅之表南燕主備德請伐玄曰縱未能廓清吳會亦可收江北之地韓範亦上質實晉室衰亂戎馬單弱重以桓玄悖逆上下離心拓地定功正在今日失時不取彼之豪傑誅滅桓玄更修德政則無望矣備德因講武城西步卒三十七萬人騎五萬三千匹車萬七

千乘公卿皆以玄新

質實

吳會郡名注見漢獻帝建安十二年

冬十一月楚王玄稱皇帝廢帝為平固王遷于

尋陽

玄表請歸藩使帝作手詔固留之詐言錢塘臨平湖開江州甘露降使百僚集賀為已受命之符又以前世皆有隱士耻獨無之求得皇甫希之給其資用使居山林徵為著作即又使固辭然後下詔旌禮號曰高士時人謂之充隱又欲廢錢用穀帛及復肉刑制作無定卒無所施性復貪鄙人士有法書好畫及佳園宅必假蒲博而取之尤愛珠玉未嘗離

手至是下範之為禪詔逼帝書之遣司徒王謐禪位于楚出居永安宮百官詣姑孰勸進玄築壇於九井山北即帝位改元永始封帝為平固王遷於尋陽玄入建康宮登御座而床忽陷群下失色殷仲文曰將由聖德深厚地不能載玄大悅玄臨聽訟觀閱囚徒罪無輕重多得原放有干輿乞者時或卹之以其祖彛以上名位不顯不復追尊獨納桓温神主于太廟卜承之曰宗廟之祭上不及祖有以知楚德之不長矣玄性苛細好自矜伐主者奏事或一字片辭之謬必加糾擿以示聰明或手注直官或自用令史詔令紛紜有司奉答不暇而紀綱不治奏案停積不能知也又性好遊畋更繕宮室朝野騷然思亂者衆

集覽

錢塘臨平湖開錢塘今杭州是州北有大湖上有臨平鎮即其地也三國吳人

言於吳主孫皓曰臨平湖自漢末歲塞長老言湖塞天下亂湖開天下平今無故忽開此

天下當太平青蓋入洛之祥也皓自以為已瑞時晉武帝咸寧二年也後四年皓降晉平

固縣名屬南康郡此南康今贛州是有干輿乞者時或卹之全本云云其好行小惠如此

質實

錢塘縣名注見漢獻帝興平元年一統志云臨平湖在杭州府城東北六十里

舊名鼎湖自漢末壅塞晉咸寧中復開父老相傳云此湖開天下平故名臨平著作即官

名事物紀原云漢陳京使名儒碩學入直東觀撰述國史謂之著作以他官領之未以為

官也魏太和中始置著作即晉元興初又謂之大著此其始也肉刑注見漢文帝十三年

蒲博即擣蒲博奕也注見隋文帝開皇十七年九井山在太平府城南一十里山有九井

世傳晉桓溫所鑿元和志殷仲文九月九日嘗從溫登九井賦詩即此勸進注見元帝建

武元年姑孰縣名注見明帝太寧元年紀綱注見宋文帝元嘉元年教綱紀

書法

莽倫書自稱玄亦莽倫也其不書自何莽受金匱即服玉冠御前殿下詔

即真倫詐傳神語逼奪璽綬備法駕入宮即皇帝位皆無故而然者也故書自玄則

不然使卜範之草為禪詔帝手書之或者得以禪讓之說欺天下後世矣故從魏晉

書法書稱書廢綱目一字之筆削豈苟然哉

發明

桓玄矯稱符命文飾姦詐大類王莽然綱目書其自為相國加九錫稱帝

廢遷之類與歷代無異何哉玄固無成之魏晉而魏晉乃有成之玄爾成敗雖有不

同篡竊則出一轍此書法

所以不得不據其實也

益州刺史毛璩起兵討玄

玄遣使加璩左將軍璩不受

質實

益州注見武帝泰始

八年白帝城名注見

漢獻帝建安十七年

書法

書起兵討予倡義也故通鑑不書綱目特書之

魏初制冠服

魏始命有司制冠服以品秩為差然法度草創多不稽古

甲辰

三年

燕光始四秦弘始

春二月劉裕起兵京

口討玄使弟譙拒之

劉裕從徐兗刺史桓脩入朝玄謂王謚曰裕風骨不常蓋人傑也每遊集必引接殷勤贈賜甚厚玄妻劉氏亦謂玄曰裕龍行虎步視瞻不凡恐終不為人下不如早除之玄曰我

方平蕩中原非裕莫可用者侯關河平定別
議之耳玄以桓弘鎮廣陵刁達鎮歷陽裕與
何無忌同舟還京口密謀興復劉邁弟毅家
於京口亦與無忌謀之無忌曰桓氏疆盛其
可圖乎毅曰天下自有疆弱苟爲失道雖疆
易弱正患事主難得耳無忌曰草澤之中非
無英雄也毅曰所見唯有劉下邳無忌笑而
不答還以告裕遂與定謀平昌孟昶爲桓弘
主簿至建康還裕謂之曰草間當有英雄起
卿頗聞乎昶曰今日英雄有誰正當是卿耳
於是裕毅無忌昶及裕弟道規諸葛長民等
相與合謀起兵道規爲桓弘參軍裕使毅就
道規昶共殺弘據廣陵長民爲刁達參軍使
殺達據歷陽無忌夜草檄文其母密窺之泣

曰吾不及東海呂母明矣汝能如此吾復何
恨裕托以遊獵與無忌收合徒衆得百餘人
詰旦京口門開無忌著傳詔服稱敕使居前
徒衆隨之入斬桓脩以徇裕問無忌曰急須
一府主簿何由得之無忌曰無過劉道民道
民者東莞劉穆之也裕曰吾亦識之即馳信
召焉時穆之聞京口譴課聲晨起出陌頭屬
與信會直視不言者久之返室壞布裳爲袴
往見裕裕曰始舉大義須一軍吏甚急卿謂
誰堪其選穆之曰倉猝之際畧當無見踰者
裕笑曰卿能自屈吾事濟矣即於坐署主簿
孟昶勸桓弘其日出獵天未明開門出獵人
昶與劉毅劉道規帥壯士數十人直入斬之
因收衆濟江衆推裕爲盟主總督徐州事以

昶為長史守京口裕帥二州之衆千七百人
軍于竹里移檄遠近玄加桓謙征討都督謙
等請亟遣兵擊裕玄曰彼兵銳甚計出萬死
若有蹉跌則彼氣成而吾事去矣不如屯大
衆於覆舟山以拒之彼空行二百里無所得
銳氣已挫忽見大軍必驚愕我按兵堅陣勿
與交鋒彼求戰不得自然散走此策之上也
謙等固請乃遣吳甫之皇甫敷相繼北上玄
憂懼特甚或曰裕等烏合微弱勢必無成何
慮之深玄曰劉裕足為一世之雄劉毅家無
擔石之儲擄菽一擲百萬何無忌酷似其
舅共舉大事何謂無成甫之玄驍將也

集

覽東海呂母新莽天鳳四年琅邪海曲有呂
母者子為縣吏宰以小罪殺之呂母乃傾

家貲以報讐一統志云平昌漢之縣名屬平

名平昌省甬重平二縣入焉隋屬德州唐以
般縣省入五代唐改為德平縣宋省入安德
縣元符初復置屬德州金元俱仍舊本朝
因之改屬濟南府劉邁沛人劉下邳謂劉裕
為下邳守也建康郡名注見漢獻帝興平二
年歷陽縣名注見漢沖帝永嘉元年東莞郡
名注見義熙五年劉穆之莒人徙居京口竹
里山名注見隆安元年蹉跌注見漢順帝陽
嘉二年覆舟山在應天府城西北七里東連
鍾山北臨玄武湖劉宋改名真武山以其北
臨玄武湖故名廣陵郡名注見漢武帝元
朔五年淮南酷似其舅舅謂劉牢之也



南涼去年號罷尚書官

僭檀畏秦之疆乃去年號罷尚書丞郎官遣參軍關尚使于秦秦王興曰車騎獻款稱藩而擅造大城豈為臣之道乎尚曰車騎僻在遐藩密邇勅敵蓋為國家重門之防耳興善之僭檀求領

質實

涼州注見唐中宗景龍二年

三月劉裕及桓謙戰于覆舟山大破之玄出走

裕立留臺于石頭

三月朔裕軍與吳甫之遇於江乘斬之至羅落橋皇甫敷帥數千人逆戰又斬之玄使桓

謙屯東陵下範之屯覆舟山西合衆二萬明日裕軍食畢悉棄餘糧數道並前裕與劉毅身先士卒進突其陳將士皆殊死戰因風縱火謙等大潰玄先已潛使殷仲文具舟至是遂將其子鼎鞭馬趣石頭浮江南走經日不食悲不自勝裕入建康明日徙屯石頭城立留臺百官焚桓温神主迎晉新主納于太廟遣諸將追玄尚書王嘏帥百官奉迎乘輿誅玄宗族在建康者使臧熹入宮收圖籍器物封閉府庫玄司徒王謐與衆議推裕領揚州裕固辭乃以謐為侍中領揚州刺史錄尚書事謐推裕為都督八州徐州刺史劉毅為青州刺史何無忌為琅邪內史孟昶為丹陽尹劉道規為義昌太守諸大處分皆委於劉穆

之倉猝立定無不允愜裕遂托以腹心時晉政寬弛綱紀不立豪族陵縱小民窮蹙穆之斟酌時宜隨方矯正裕以身範物先以威禁內外肅然○初謚為玄佐命元臣手解帝璽綬以授玄及玄敗衆謂宜誅裕特保全之劉毅嘗因朝會問謚璽綬所在謚內不自安逃奔曲阿裕追還復位諸葛長民至豫州失期不得發才達執之檻車送桓玄未至而玄敗送人共破檻出長民還趣歷陽達棄城走其下執以送裕斬於石頭子姪皆死裕初名微位薄輕狡無行盛流皆不與相知惟王謚獨奇貴之謂曰卿當為一代英雄裕嘗與才達搏菹不時輸直達縛之馬柳謚責達而代償由是裕憾達而德謚蕭方曰夫蛟龍潛伏魚

鰕襲之是以漢高赦雍齒魏武免梁鵠安所以布衣之嫌而成萬乘之隙也今王謚為公才達亡族酬恩報怨何其狹哉○初袁真殺梁國內史朱憲憲弟綽奔桓溫溫克壽陽綽輒發真棺戮其尸溫怒將殺之桓沖請而免之綽事沖如父沖薨綽嘔血而卒至是綽子齡石為劉裕參軍從至江乘將戰齡石請曰世受桓氏厚恩不欲以兵刃相向請在軍後裕義而許之

集覽 覆舟山在建康城北五里晉北郊壇宋藥園壘藥遊苑冰井其

露亭皆在此山漢高赦雍齒高帝平生所憎為最甚者雍齒也帝見諸將坐沙中語意其謀反故先赦雍齒而封

正誤 魏武免梁鵠今按晉書衛桓傳

梁鵠以書至選部尚書後奔劉表魏武帝破
 荆州募求鵠鵠之為選部也魏武欲為洛陽
 令而以為北部都尉故懼而自縛詣
 門署軍假司馬在秘書以勤書自効
 縣名注見漢後王建興二年東陵疑是地名
 未詳處所臧熹東莞莒人壽之弟揚州刺史
 注見漢獻帝興平二年義昌郡名未詳處所
 璽綬注見漢光武建武三年曲阿縣名注見
 漢獻帝興平元年豫州注見周赧王三十七
 年陳梁國注見漢景帝三年壽陽郡名注見
 齊王寶卷
 永元二年

魏詔縣戶不滿百者罷之。○玄至尋陽逼帝西

上劉毅等率兵追之

考異

提要劉上有青
 州刺史四字

桓玄於道自作起居注叙討劉裕經畧舉無
 遺策諸軍違節度以致奔敗專覃思著述不
 暇與群
 質實
 尋陽縣名注見漢
 下議事
 獻帝建安十五年

劉裕推武陵王遵承制行事

裕稱受密詔以遵承制入居東
 宮內外畢敬遷除稱制教稱令

質實

武陵國
 名注見

漢光武建武二十四年承制謂承奉制
 詔也東宮注見宋文帝元嘉二十七年

劉敬宣司馬休之自南燕來歸

劉敬宜高雅之結青州大姓及鮮卑豪帥謀殺南燕王備德推司馬休之為主謀泄南走南燕人追殺雅之敬宜休之至淮泗間聞桓玄敗遂來歸劉裕以敬宜為晉陵太守休之為荊州刺史

質實

鮮卑東胡種名注見漢光武建武二十五年

書法

來者何喜辭也凡奔書歸嘉復義也玄虐出奔玄敗來歸二子可謂知節

矣綱目予復義故敬宜休之書元畧書元或書賀拔勝書獨孤信書

發明

敬宜休之出奔避桓玄也今而來歸則知義矣故書

夏四月玄挾帝入江陵

桓玄挾帝至江陵恐威令不行更峻刑罰眾益離怨

質實

江陵縣名注見漢獻帝建

安十三年

何無忌等及玄兵戰于桑落洲大破之得太廟

神王送建康

考異

提要何上有琅邪內史四字

桓玄遣庾稚祖何澹之等守湓口何無忌劉道規至桑落洲澹之等逆戰澹之常所乘舫旗幟甚盛無忌曰賊帥必不居此欲詐我耳今眾寡不敵戰無全勝此舫戰士必弱我以勁兵攻之必得之得之則彼勢沮而我氣倍因而薄之破賊必矣遂攻得之因傳呼曰已

得何澹之矣賊軍驚擾官軍亦以為然乘勝大破之遂克湓口進據尋陽遣使奉送宗廟主祐還

集覽

湓口漢灌嬰築盆口城即此案京師

盆水出清盆山因山名水也字本不從水旁今盆作湓而或讀如噴則是世俗所誤也又

湓城注見梁敬帝太平元年桑落洲在大江之中江北則安慶府宿松縣相距百餘里江

南則江州湖口縣也江州圖經云九江始於鄂陵終於桑落是已又東到武陵洲即桑落

洲下尾也主祐神主注見漢光武建武二年宗祐注見隋文帝開皇二十年

質實

一統志云湓口湓浦之口在九江府城西一十五里源出瑞昌縣青盆山亦名盆水相傳

昔嘗有人此處洗銅盆水忽暴漲失盆投水取之見一龍銜盆奪之而出故名盆水桑落

洲在安慶府宿松縣南一百九十里九江口昔江水泛漲流一桑于此因名晉劉毅與盧

循戰於桑落洲即此薄之注見齊和帝中興元年

玄挾帝東下

桓玄收集荆州兵曾未三旬有衆二萬復帥諸軍挾帝東下使徐放說劉裕等散甲裕等

不聽

質實

荆州注見漢獻帝建安十二年

以劉敬宣為江州刺史

質實

江州注見漢武帝元鼎五年豫章

○燕起逍遙宮

燕王熙於龍騰苑起逍遙宮連房數百鑿曲光海盛夏士卒不得休息暍死大半

集

覽暍死暍於歇反中暑死也史記禹扇暍杜甫詩武王親救暍注引世說周武王見暍

人王下車自左擁而右扇之

質實曲光海未詳處所

書法書起何峻宇也故以臺觀之辭書之凡宮殿書起皆譏也終綱目宮殿書

起五漢武帝明光明帝北宮燕逍遙陳後主三閣唐憲宗承暉惟明帝既而罷之非

譏辭

五月劉毅等及玄戰于崢嶸洲大破之玄復挾帝入江陵寧州督護馮遷擊玄誅之帝復位

異擊當作討

劉毅何無忌劉道規帥衆自尋陽西上與桓玄遇於崢嶸洲毅等兵不滿萬人而玄戰士數萬衆憚之欲退道規曰不可彼衆我寡疆弱異勢今若不進必爲所乘雖至尋陽豈能自固夫決機兩陣將雄者克不在衆也因麾衆先進毅等從之玄常漾舸於舫側以備敗走由是衆莫有鬪心毅等乘風縱火盡銳爭先玄衆大潰玄挾帝單舸西走留永安何皇

后及王皇后於巴陵殷仲文因叛玄奉二后
還建康玄與帝入江陵欲奔漢中而人情乖
沮乃與腹心百餘人夜出更相殺害僅得至
船左右奔散荊州別駕王康產奉帝入南郡
府舍毛璩之弟子脩之為校尉誘玄入蜀玄
從之會璩弟寧州刺史璠卒官璩使兄孫祐
之及參軍費恬帥數百人送其喪遇玄於枚
回洲迎擊之督護馮遷抽刀而前玄曰汝何
人敢殺天子遷曰我殺天子之賊耳遂斬之
乘輿反正於江陵以脩之為驍騎將軍大赦
諸以畏逼從逆者一無所問奉神主
于太廟殺等傳送玄首梟于大桁

集覽

將

者克史記趙奢傳譬猶兩鼠鬪於穴中將勇
者勝正義曰將平聲方來也謂方來者勇故

勝乘輿反正乘輿注見漢安帝延光四年及

通作返或解返正猶言中興非是注見唐德

宗興元

元年

正誤

將雄者克今按將字雖有史記
為證但平聲者擬料將然之辭

今劉道規乃臨敵對衆勇決之辭當音去聲
言主將雄勇者則克不在於軍士衆多也

質實

一統志云崢嶸洲在武昌府武昌縣一
日新生洲半屬黃州府黃岡縣晉劉毅

破桓玄即此處漢中郡名注見周赧王四年

南郡注見漢獻帝建安十三年毛璩之榮陽

武陽人巴陵郡名注見宋文帝元嘉三年寧

州注見漢武帝元狩元年滇國枚回洲未詳

處所大桁釋名云

桁屋之橫木也

閏月桓振襲江陵陷之劉毅等進兵討之不克

毅等既戰勝以為大事已定不急追躡玄死幾一旬諸軍猶未至桓謙及振竄匿復出聚眾襲江陵陷之殺王康產振見帝於宮欲行弑逆謙苦禁之乃拜而出為玄舉哀追謚謙帥群臣奉璽綬於帝侍御左右皆振腹心何無忌劉道規進攻謙於馬頭破之無忌欲直趨江陵道規曰兵法屈伸有時諸桓世居西楚群小皆為竭力振勇冠三軍難與爭鋒且可息兵養銳徐以計縻之不憂不克無忌不從振逆戰於靈溪無忌等大敗退還尋陽

質 一統志云馬頭山名在荊州府夷陵州西北三十里靈溪未詳處所惟韶州府

樂昌縣東北五十里有靈溪源出靈君山下與武水合流未知是否智者察之西楚注見楚義帝元年尋陽縣名注見漢獻帝建安十五年

六月毛瓊遣兵攻梁州誅玄所署刺史桓希質

質 梁州注見周赧王四年漢中 ○秋七月永安皇后何氏崩

書法 穆后也不書葬何簡也自哀帝立尊何皇后為穆皇后無母道矣於是又

歷五世其簡可知也

○九月魏改官制

魏主置六謁官準古六卿臨昭陽殿親加銓
 擇列爵四等王封大郡公封小郡侯封大縣
 伯封小縣其品第一至第四舊臣有功無爵
 者追封之宗室疏遠及異姓襲封者降爵有
 差又置散官五等其品第五至第九文官材
 能秀異武官堪為將帥者其品亦比第五至
 第九百官有闕則取於其中以補之其官名
 多倣上古龍官鳥官謂諸曹之使為鳧鴨取
 其飛之迅疾也謂候官伺察者為
 白鷺取其延頸遠望也餘皆類此
 詳處所

冬十月虜循陰番禹徐道羈陷始興

質實

番禹縣名

注見漢武帝元鼎六年始興郡名注見愍帝建興三年

○劉毅等復攻桓

振諸城壘皆克之

劉敬宜在尋陽聚糧繕船未嘗無備故何無
 忠等雖敗退賴以復振進至夏口桓振遣馮
 該守東岸孟山圖據魯山城桓僊客守偃月
 壘衆合萬人水陸相援毅等悉攻拔之生擒
 山圖僊客
集覽 魯山城今河南府汝州魯山
 該走石城 縣是括地志云山在南陽郡
 魯陽縣北偃月城即濡須塢也在無為州
 巢縣東南四十里接巢湖西北至合肥界
質實 魯山城注見漢獻帝初平元年偃月城注
 見漢獻帝建安十七年濡須塢石城注見

梁簡文帝太寶元年夏口地名注見漢獻帝建安十三年

十一月魏命宗室州郡各置師

魏主命宗室置宗師入國置大師小師州郡亦各置師以辨宗黨舉才行如魏晉中正之職

質實 中正官名注見梁武帝天監十八年

燕主熙與其后苻氏遊白鹿山 **質實**

一統志云白鹿山在

太原府孟縣北三十里嘗有白鹿遊此山因名

后苻謨幼女也是行也士卒為虎狼所害及凍死者五千餘人

書法 凡書遊譏也與其后遊譏之譏也終綱目書遊入而書后妃遊者二是年

燕苻氏梁已亥年魏太后乙酉年蜀王衍太后太妃

十二月劉毅等進克巴陵

毅號令嚴整所過百姓安悅

乙巳 **義熙元年** 燕光始五秦弘始七魏天賜二年 ○南燕主慕容超太上元西涼建

初元年 **春正月入江陵桓振亡走譙奔秦** **考異** 下月

當補書劉毅等三字

南陽太守魯宗之起兵襲襄陽桓蔚走江陵
劉毅等軍至馬頭桓振挾帝出屯江津遣使
求割江荆二州奉送天子毅等不許宗之進
屯紀南振留桓謙馮該守江陵引兵與宗之
戰大破之而毅等亦擊破該於豫章口謙棄
城走毅等入江陵執卞範之等斬之振還知
城已陷其衆皆潰乃逃于澨川詔大處分悉
委冠軍將軍劉毅大赦改元惟桓氏不原以
桓冲盡忠王室特宥其孫胤徙新安以宗之
為雍州刺史毛璩為征西將軍督梁益等五
州弟瑾為梁秦刺史瑗為寧州
刺史桓謙何澹之等皆奔秦

集覽

澨川在隨州隨

質實

紀南城名注見陳後王光

天二年一統志云澨川即澨水在漢陽府漢
川縣東北四十五里自隨州東南流經雲夢
縣入本縣界至澨口與漢水合流晉陶侃為
杜會所敗將奔澨中唐人詩暮雨不知澨口
處皆謂此新安郡名注見
漢獻帝建安十三年新都

燕伐高句麗不克而還

燕王熙伐高句麗攻遼東城且陷熙命將士
毋得先登俟剗平其城朕與皇后乘輦而入
由是城中得嚴
質實 遼東郡名注見
秦王政三年

秦以鳩摩羅什為國師

秦王興以鳩摩羅什為國師奉之如神師群臣及沙門聽講又命羅什翻譯西域經論大營塔寺沙門坐禪者常以千數由是州郡化之車佛者十室而九

集覽 鳩摩羅什鳩摩虜複姓羅什名也前秦苻堅遣呂光伐龜茲而獲之後秦姚興禮為國師使居逍遙園譯出衆經翻譯翻夷語譯為華言也翻與反通韻會切字下注反切一音展轉相呼謂之反譯繹也如繹絲然紬其語而譯之年

質實 西域西域國名注見漢哀帝元壽二年

書法

侏離之書於是大布秦為之也故謹志之綱目書國師一而已恭國師不與焉詳漢帝

與焉詳漢帝
玄更始元年

發明

自王道衰異端熾佛氏流入中國姚興以夷狄竊據土宇故羅什為所尊禮是以佛書皆出於其翻譯傳布甚廣夫六經火於嬴秦後世卒莫得其全佛書譯於姚秦後世終莫得而泯人心好尚如此世變亦可知矣書以羅什為國師謂之國師則是舉國師之也吁可勝嘆哉○丘濬曰中國有梵夾書始盛于此嗚呼書字自蒼頡以來有所謂籀文傳隸行草其聲音文字三代以來未之有異也至是始有一種惟體殊音之製以亂我中國自結繩以來之書嗚呼作俑者漢明帝也然是時止

有四十二章之經藏之官寺是後雖有胡僧安靜支懺康會等翻譯未甚傳布民間至是姚興始大集胡僧以華音譯番語自時厥後偽作日增無從質正遂至遍滿天下家傳而人誦之而中國之人虛矯者又剽竊老莊之緒餘以粉飾之遂至淪人肌膚入人骨髓膠固深密而不可解散其尤可惡者竊我聖經之名名其邪偽之作雖其以經為訓異乎經常之義然亦無忌憚矣嗚呼揆之名教其罪可勝誅哉

西涼公高道使來上表

西涼公高自稱大將軍領秦涼二州
牧遺黃始梁興間行奉表詣建康

質實

建康

郡名注見漢獻帝興平二年

書法

於是僭國無知尊正統者故特書嘉之

二月帝東還

留臺備法駕迎帝於江陵劉毅劉道規留屯夏口何無忌奉帝東還

質實

江陵縣名

注見漢獻帝建安十三年夏口地名注同上年

益州參軍譙縱殺其刺史毛璩自稱成都王

初毛璩聞桓振陷江陵帥眾三萬順流東下將討之使其弟瑗出外江參軍譙縱出涪水

蜀人不樂遠征逼縱為主瑒聞變奔還成都遣兵討之不克營戶開城納縱殺瑒及瑒滅其家縱自稱成都王於是蜀大亂漢中空虛氏王楊盛遣其兄子撫據之

質實

涪水

注見漢光武建武十一年成都縣名注見漢帝玄更始二年

書法

殺瑒者營戶也書縱殺何權不足也縱為眾所逼不能以死拒之有不得

辭其責者矣綱目蔽罪於縱所以塞姦雄託不得已者之口也

發明

蜀人逼縱為主營戶殺瑒而滅其家然綱目書縱殺其刺史毛瑒自稱成

都王何耶縱為屬椽坐視主將屠戮自當死於其難而乃委身從賊此固王法所必

誅者前史載縱走投于水及投地固辭之語分注皆棄而不錄夫既知其不義直當

奮身而死安有為賊所擁尚可自免者哉書法如此原其實也後世有從賊于亂而

以逼於不得已為解者可以觀矣

三月桓振復襄江陵將軍劉懷肅與戰誅之○

帝至建康除拜琅和王德文武陵王導劉裕以

下有差

帝至建康百官請闕待罪詔令復職尚書殷仲文以朝廷音樂未備言於劉裕請治之裕

曰今日不暇給且性所不解仲文曰好之自
解裕曰正以解則好之故不習耳以琅邪王
德文為大司馬武陵王遵為太保劉裕為侍
中車騎將軍都督中外諸軍事加裕尚書事
裕皆不受

質實

武陵郡名注見漢光武建武二十四年

以劉敬宣為宣城內史

初劉毅嘗為劉敬宣參軍時人或以雄傑許
之敬宣曰非常之才自有調度此君外寬而
內忌自伐而尚人若一旦遭遇亦當以陵上
取禍耳毅聞而恨之及敬宣為江州毅使人
言於裕曰敬宣不預建義授郡已為過優聞
為江州尤用駭惋敬宣不自安請解職乃召

還為宣
城內史

集覽

自伐老子曲則全章不自伐故
有功莊子山木篇大成之人曰

自伐者無功論語孟之反不伐饒雙峰解云
伐如伐木之伐凡人矜誇其能乃所以自伐
其能也

質實

宣城郡名注見漢明帝永平十三年丹陽

夏四月以劉裕都督十六州軍事出鎮京口○

以盧循為廣州刺史

時朝廷新定未暇征討以循為廣州徐道覆
為始興相循遣使貢獻因遺劉裕益智粽裕
報以續命湯循之陷番禺也執刺史吳隱之
至是裕與循書令遣隱之還循不從長史王

誕曰孫伯符豈不欲留華子魚邪

集覽

益智粽粽

但以一境不容二君耳循乃遣之作弄反風土記吳楚間以菰葉裹黏米煮而食之名曰粽一名角黍益智藥名本草益智

子味辛温主益氣安神盧循以益智為粽遺之蓋言劉裕智氣窮也續命湯成藥名治中

風不省人事劉裕以此藥報之蓋言盧循不省事也孫伯符豈不欲留華子魚伯符三國

吳主孫策字子魚華歆先仕漢為豫章太守孫策畧地江東歆乃幅巾奉迎策待以上賓

之禮策死歆仕魏

正誤續命湯今按裕以循當誅絕今不征討而命為廣州是續

南燕王備德封其兄子超為北海王

初南燕王備德仕秦為張掖太守從秦王堅

寇淮南留金刀與其母公孫氏別備德與燕

主垂舉兵張掖收備德兄納及諸子殺之公

孫氏以老獲免納妻段氏方娠未決獄掾呼

延平備德之故吏也竊以逃羌中段氏生超

十歲而公孫氏卒以金刀授超平又以超母

子奔涼及呂隆降秦徙長安而平卒段氏為

超娶其女超恐為秦所錄乃陽狂行乞備德

遣人往視之超不敢告其母妻潛變姓名逃

歸備德聞超至大喜遣騎迎之超以金刀獻

質實

北海郡名注見

漢桓帝永康元年青州張掖郡名注見晉安帝隆安元年

五月劉毅何無忌討滅桓玄餘黨荆湘江豫皆

平

桓玄餘黨苻宏等擁衆寇郡縣者以十數劉毅等分兵討滅之荆湘江豫皆平詔以毅爲都督淮南五郡豫州刺史何無忌都督江東五郡會稽內史

秋七月劉裕遣使求和於秦得南鄉等十二郡

劉裕遣使求和於秦因求南鄉諸郡秦王興許之群臣以爲不可興曰天下之善一也劉

裕拔起細微能討桓玄復晉室內釐庶政外脩封疆吾何惜數郡不以成其美乎遂以十

二郡歸晉質實南鄉郡名注見穆帝永和九年

書法得郡錄功也其書劉裕使何存中國也然與書齊人來歸鄆謹龜陰之

田者霄壤矣故書求和得之

九月南燕王備德卒太子超立

汝水竭南燕王備德惡之俄而寢疾北海王超請禱之備德曰人命在天非汝水所能制也病篤召群臣議立超爲太子俄而地震君臣震恐是夕卒爲十餘棺夜分出四門潛瘞

山谷超即位虛葬備德於東陽陵超引所親
公孫五樓為腹心備德故大臣北地王鍾段
宏等皆不自安求補外職封孚諫曰臣聞親
不處外羈不處內鍾宏出藩五樓內輔臣竊
未安超不從鍾宏相謂曰黃犬之
皮恐終補狐裘也五樓聞而恨之
集覽公孫
公孫複姓也五樓其名黃犬之皮恐終補狐
裘史記田敬仲完世家溥于髡曰狐裘雖弊
不可補以黃狗之皮騶忌子曰
請謹擇君子毋雜小人是也
正誤黃犬之
補狐裘今按黃犬之皮指公孫五樓言
五樓乃小人恐終居貴重之職位是也
質實
汝水注見帝奕太和四年一統志云東陽陵
在青州府城北又注見宋營陽王景平元年

西涼徙都酒泉

西涼公嵩與長史張邈謀徙都酒泉以逼沮
渠蒙遜嵩手令戒諸子曰從政者當審慎賞
罰勿任愛憎近思正遠佞諛勿使左右竊弄
威福毀譽之來當研覈真偽聽訟折獄必和
顏任理慎勿逆詐億必輕加聲色務廣咨詢
勿自專用吾蒞事五年雖未能息民然含垢
匿瑕朝為寇讐夕委心膂粗無負於新舊事
任公平坦然無類初不容懷有所損益計近
則如不足經遠乃為有**集覽**逆詐億必逆逆
餘度亦無愧於前人也
集覽料也許詐偽也
億億度也必必然也人未必是詐偽我逆料
而疑之是逆詐也人未必如然我億度而防

之是億必也無類類正誤逆詐億必今按此音盧對反疵也戾也語稍晦當云人未

必如此而我億質實酒泉郡名注見漢度其必是如此武帝元朔三年

丙午二年燕光始八秦弘始春正月魏增置刺史

守令

魏諸州置三刺史郡置三太守縣置三令長功臣為州者皆徵還京師以爵歸第

燕王熙襲契丹至陁北畏其眾欲還苻后不肯遂棄輜重輕兵襲高句麗士馬疫凍死者

屬路夕陽公雲傷於矢且契丹東胡種

畏熙之虐遂以疾去官集覽居於西樓在

潢水之南黃龍之北得鮮卑故地或以為鮮卑遺種至元魏時自號契丹契音喫案契丹

志其地有二水一曰北七里沒里源出中京西馬孟山東北流華言土河是也一曰梟羅

箇沒里源出饒州西南平地松林直東流華言潢河是也至木葉山合流為一相傳初有

男子乘白馬浮土河而下一婦人乘小車浮漢河而下遇於木葉山顧合流之水遂為夫婦此其始祖陁北并陁山之北也漢地志常

山郡石邑縣并陁山在其西穆天子傳云至陁山之隧升于

質實高句麗東夷國名注見新莽始建國四年輜重

注見周顛王三十六年一統志云涇北涇山之北在真定府井陘縣東北五十里夕陽疑是縣名未詳沿革姑闕之

夏六月秦姚碩德自上却還長安

秦隴西公碩德自上却入朝秦王興為之大赦及歸送至雍興事晉公緒及碩德皆如家人禮車馬服玩先奉二叔而自服其次國家大政皆諮而後行

質實

長安縣名注見

漢惠帝五年隴西郡名注見秦王政三年上却縣名注見漢光武建武元年天水雍縣名

注見周顛

王八年

書法

朝也書還何成興志也興事碩德如家人禮車馬服玩每先二叔而自服

其次國家大政必諮而後行可謂能尊尊矣不書入朝所以成其不敢臣之之美也

秦以秃髮僭檀為涼州刺史守姑臧

南涼僭檀伐北涼還獻馬三千匹羊三萬口于秦秦王興以為忠以為涼州刺史鎮姑臧徵王尚還涼州人遣主簿胡威請留尚弗許威見興流涕言曰臣州僻遠仗良牧仁政保全至今陛下奈何以臣等質馬羊乎若軍國須馬直煩尚書一符臣州三千餘戶朝下而夕可辦也昔漢武帝傾天下資力開拓河西以斷匈奴右臂今無故棄五郡之地忠良華

族以資暴虜豈惟臣州士民墜於塗炭恐方
為聖朝肝食之憂與悔之使人馳止尚則僂
檀巴軍五澗逼遣尚行矣別駕宗敞送尚還
長安僂檀謂曰吾得涼州三千餘家情之所
寄唯卿一人而已柰何捨我去乎敞曰今送
舊君所以忠於殿下也僂檀因問新政所宜
敞曰惠撫其民收用賢俊因薦本州名士十
餘人僂檀嘉納之僂檀宴於宣政堂仰視嘆
曰古人有言作者不居居者不作信矣孟禘
曰昔張文王始為此堂於今百年十有二主
矣惟履信思順者可以久處僂檀善之僂
檀雖受秦爵命然其車服禮儀皆如王者

集

覽

張文王明帝時涼王張茂

質實

五澗未詳處所

魏築灑南宮

魏主規度平城發八部男丁築灑南宮闕門
高十餘丈穿溝池廣苑囿規立外城方二十

里

質實

一統志云灑南宮灑本水名作宮於灑水之南因名焉又注見愍帝建興

元年

秋八月劉裕遣將軍毛脩之討譙縱

裕遣龍驤將軍毛脩之將兵與益州刺史司
馬榮期等共討譙縱榮期為其參軍楊承祖
所殺脩之還白帝

質實

益州注見武帝泰始八年白帝城名注見漢獻帝建安十

七年

南燕段宏奔魏慕容鍾奔秦

南燕主超猜虐日勝政出權倖盤于遊畋封
辛韓諱屢諫不聽公孫五樓欲擅朝權譖北
地王鍾於超請誅之鍾懼遂與段宏謀反不
克乃出奔超好變更舊制又欲復肉刑增置
烹轅之法衆議不合而止

質實

文帝十三年

書法

於是鍾等謀反不
書書奔君無道也

冬十月論建議功封賞劉裕等有差

劉裕豫章郡公劉毅南平郡公何
無忌安成郡公自餘封賞有差

質實

南平郡注

見惠帝光
熙元年

西秦乞伏乾歸如秦

丁三年

秦弘始九年魏天賜四年○燕王高雲正
始元年○夏主赫連勃勃龍升元年○

是歲燕慕容熙亡舊大國一南涼北涼
南燕西涼小國四新小國二凡八僭國

考異

分注

燕王下漏慕容
熙建始元年

春正月秦以乞伏乾歸為主客

尚書

秦王興以乾歸寢彊難制留為主客尚書以其世子熾磐行西夷校尉監其部衆

閏二月劉裕殺東陽太守殷仲文及桓沖孫胤

夷其族

仲文素有才望自謂宜當朝政出為東陽太守悒悒不樂何無忌素慕其名仲文許便道脩謁無忌喜飲遲之而仲文失志恍惚遂不過府無忌以為薄已大怒會南燕入寇無忌言於劉裕曰桓胤殷仲文乃腹心之疾比虜不足憂也會裕府將駱球謀作亂伏誅裕因言球與仲文桓胤有謀皆族誅之

質實

東陽郡名注見哀帝興寧三年殷仲文陳

郡長平人
覲之弟

書法

書殺多矣未有書某孫者書桓沖孫何重罪裕也玄之敗也詔以桓沖乃

心王室宥其孫胤今而殺之違義熙之赦絕賢者之世裕罪大矣然則仲文玄黨也

曷為以官書仲文玄黨嘗叛玄自歸矣綱目貴徒義官仲文所以深惡裕也

發明

義熙之初大赦改元惟桓氏不赦獨宥沖之孫胤以其忠於帝室所以勸

事君者也今又誣而殺之則非義矣故不直曰桓胤而必書曰桓沖孫胤以起義也然劉裕自舉事以來去年遣毛脩之討譙縱今年殺殷仲文及桓胤不論是否綱目

皆自裕書之則裕之專輒自行其無晉之心又自不言可知矣一賊什一賊起可勝哉

夏四月燕后苻氏卒

燕主熙為其后苻氏起承華殿負土北門與穀同價典軍杜靜載棺詣闕極諫熙斬之苻氏嘗季夏思凍魚熙下有司切責不得斬之至是苻氏卒熙哭之絕而復蘇斬衰食粥命百官哭無淚者罪之又以其嫂張氏為殉

唐實

斬衰注見漢昭帝元平元年殉注見

唐太宗貞觀

二十三年

燕主熙廢其太后段氏○六月赫連勃勃自稱

大夏天王

勃勃魁岸美風儀性辯慧秦王興見而奇之與論大事寵遇踰於勳舊興弟邕曰勃勃不可近也興曰勃勃有濟世才吾方與之平天下奈何逆忌之乃以為將軍使助浚奕于鎮高平伺魏間隙邕固爭曰勃勃貪猾不仁輕為去就恐終為邊患興乃止久之竟配以雜虜二萬餘落使鎮朔方會魏主珪歸所虜秦將于秦興歸賀狄干以報之勃勃怒遂謀叛秦柔然獻馬於秦勃勃掠取之襲殺浚奕干而并其衆自為夏后氏之苗裔稱大夏天王

置百官○賀狄于久在長安常幽閑因習讀經史舉止如儒者及還魏珪見其言語衣服皆類秦人以為慕而效之怒并其弟歸殺之集覽姓岸注見漢武裔離騷經帝高陽之苗裔兮晦庵集註苗裔謂遠孫也苗者草之莖葉根所生也裔者衣裾之末衣之餘也故以為遠末子孫之稱弟歸賀狄于之弟名歸質實赫連注見懷帝永嘉四年鐵弗朔方郡名注見漢武帝元朔元年柔然北狄國名注見孝武帝太元十二年沒奕于東胡部落之號注見穆帝升平四年

秋七月朔日食○燕高雲弒其主熙自立為天

王

燕主熙葬其后苻氏披髮徒跣步從二十餘里初將軍馮跋得罪於熙亡命山澤因民之怨欲舉大事潛入龍城匿於孫護家及熙出送葬跋等與將軍張興等作亂推熙養子夕陽公雲為主帥衆入宮授甲閉門拒守熙馳還攻北門不克雲遂即天王位大赦改元執熙殺之復姓高氏以跋為都督中外諸軍錄尚書事質實龍城縣名注見帝奕太和四年和龍

南燕遣使稱藩獻太樂伎于秦秦遣其母妻

還之

南燕主超毋妻猶在秦遣封愷使於秦以請之秦王興曰昔苻氏太樂諸伎悉入于燕燕今稱藩送伎或送吳口千人乃可得也超與群臣議之段暉曰陛下嗣守社稷不宜以私親之故遂降尊號且太樂先代遺音不可與也。不如掠吳口與之張華曰侵掠鄰國兵連禍結非國家之福也陛下慈親在人掌握豈可靳惜虛名不為之屈乎乃使韓範聘于秦稱藩奉表秦使苻宗報聘張華請北面受詔封暉曰大燕七聖重光奈何一旦為豎子屈節超曰吾為太后屈願諸君勿復言遂北面受詔使華獻太樂伎一百二十人於秦秦王

興乃還超毋妻厚其資禮而遣之

質實

社稷注見新莽天鳳元年

書法

先書獻樂伎惡秦也若燕主則可與權矣綱目無譏焉

夏王勃勃破薛干等部降之遂進攻秦及南涼

大破之

夏王勃勃破鮮卑薛干等三部降其衆以萬數進攻秦三城以比諸戍斬秦將楊丕姚石生等諸將皆曰陛下欲經營關中宜先固根本使人心有所憑繫高平險固饒沃可以定都勃勃曰吾大業草創姚興亦一時之雄未可圖也今專固一城彼必并力於我亡可立

待不如以驍騎風馳出其不意救前則擊後
救後則擊前使彼疲於奔命我則游食自若
不及十年嶺北河東盡為我有待與既死嗣
子闇弱徐取長安在我計中矣於是侵掠嶺
北諸城秦王與乃嘆曰吾不用黃兒之言以
至於此勃勃求婚於南涼僭檀不許勃勃帥
騎二萬擊破之名臣勇將死者什六
七勃勃積尸而封之號曰彌饑臺

集覽

薛

別部之人名侵掠左傳有鍾鼓曰伐無曰侵
襄十一年禁侵掠注掠音亮不用黃兒之言

正誤

黃兒

男女始生為黃黃兒猶言小兒也
與弟邕嘗勸勿用勃勃與不聽

正誤

今按

黃兒乃姚

質實

關中注見唐玄宗開元十一年京兆高平縣名注見漢光

武建武六年

涼公嵩復遣使來上表

考異

提要無此九字

書法

書復何重嘉之也

戊申四年

秦弘始十魏天賜五年○南涼嘉平元年

春正月劉裕自為

楊州刺史錄尚書事

王謐既卒劉毅等不欲劉裕入輔政議以謝
混為楊州刺史或欲令裕於州徒領楊州以
內事付孟昶遣皮沈以二議諮裕沈先見劉
穆之具道朝議穆之密白裕曰晉命已移公

勲高位重豈得遂為守藩之將邪劉孟與公俱起布衣立大義以取富貴一時相推非委體心服宿定臣主之分也力敵勢均終相吞噬揚州根本所繫不可假人前者以授王謐事出權道今若復以他授便應受制於人一失權柄何由可得今但答以此事既大非可懸論便躡入朝共盡同異公至京邑彼必不敢越公更授餘人矣裕從之朝廷乃徵裕為侍中揚州刺史錄尚書事裕解兗州以諸葛長民鎮丹徒劉道憐戍石頭

集覽 事出徒

質實 徒

權道從權之宜也公羊傳桓十一年縣名注見漢景帝三年劉孟謂劉毅孟昶

發明

按裕此行特以朝議未定自請入朝而朝廷因遂召裕授以是任而已今

綱目書其自為揚州刺史錄尚書事殆與操丕昭師無異何歟裕於是時雖未能專國然其志已有所在故特設詭謀使晉朝不能捨已而授餘人是名非自為實則自為也况篡晉之禍實始於此特筆書之深得春秋誅心之法矣

南燕祀南郊

南燕主超祀南郊有獸如鼠而赤大如馬來至壇側須臾大風晝晦羽儀帷幄皆毀裂超懼以問太史令成公綏對曰陛下信用姦佞誅戮賢良賦歛繁多事役殷重之所致也超

乃黜公孫五樓等俄復用之

夏五月譙縱稱藩于秦

譙縱請桓譙於秦欲與共擊劉裕秦王興以問譙譙因請行興曰小水不容巨魚若縱才力自足辦事亦不假君為羽翼矣遂遣之譙至成都虛懷引士縱疑之置於龍格使人守之

質實

成都郡名注見漢帝玄更始二年

秦遣兵襲南涼討夏皆敗績

秦王興以僭檀內外多難欲因而取之使常宗往覘之僭檀與宗論當世大畧縱橫無窮宗退嘆曰奇才英器不必華夏明智敏識不必讀書吾乃今知九州之外五經之表復自有人也歸言於興曰涼州雖弊僭檀權譎過人未可圖也興曰劉勃勃以烏合之衆猶能破之况我舉天下之兵以加之乎宗曰不然形移勢變返覆萬端陵人者易敗戒懼者難攻僭檀之所以敗於勃勃者輕之也今我以大軍臨之彼必懼而求全竊觀群臣才畧無僭檀比者雖以天威臨之亦未敢保其必勝也興不聽使其子廣平公彌將軍欽成帥步騎三萬襲僭檀僕射齊難帥騎三萬討勃勃彌長驅至姑臧僭檀嬰城固守出奇兵擊破之命郡縣悉散牛羊於野欽成縱兵鈔掠又擊敗之勃勃聞秦兵且至退保河曲齊難遂

縱兵野掠勃勃潛師襲破擒之及其將士萬
三千人於是嶺北夷夏附於勃勃者以萬數
勃勃皆置守

質實 廣平郡名注見漢武帝元
狩四年河曲縣名注見漢

光武建武
二十二年

書法 夏書討何勃勃故秦臣也一秦兵也
或書襲或書討綱目之書法嚴矣是

故袁術一也孫策加之書討曹操加之則
書擊漢獻帝建安元年秦兵一也加於南
涼書襲加於夏
則書討是年

發明 秦無故興兵攻僂檀故直書曰襲勃
勃以敗亡降虜事秦復叛故書之曰

討一字之間固
不苟也如此夫

遣將軍劉敬宣督毛脩之討譙縱不克引還

毛脩之擊斬楊承祖請討譙縱劉裕表劉敬
宣帥衆五千伐之敬宣入峽轉戰而前軍至
黃虎去成都五百里秦遣兵救之縱亦悉衆
拒嶮相持六十餘日軍中饑疫死者大半乃
引軍還敬宣坐免官

質實 峽水名注見漢獻
帝建安二十四年

裕降號中軍將軍
黃虎地名
未詳處所

書法 自誅桓玄餘黨至是四年綱目凡書
晉氏無一不書劉裕者譏專也此亦事

通鑑綱目卷三十三
劉裕表遣也其不書劉裕何冬裕也裕始遣脩之將兵討縱既而承祖作亂脩之退屯於是二年矣乃復遣敬宣督之綱目於遣毛脩之書裕遣於遣劉敬宣督毛脩之則不書裕使若出於朝議者所以見前所遣之卒無功而著遣之者之咎也其旨深矣

冬十一月南涼復稱王○南燕汝水竭

南燕汝水竭河凍皆合而澠水不冰南燕主超惡之問於李宣宣對曰澠水無冰良由逼帶京城近日質實汝水注見帝奕太和四年月也超大悅澠水注見漢獻帝建安十

年

書法

燕亡之祥也是故江水竭而西漢衰成帝元延元年汝水竭而南燕亡是

年綱目皆謹書之終綱目書水竭二而已矣

巳酉五年

秦弘始十一魏太宗拓跋嗣永興元年○燕王馮跋太平元年○西秦更始元

年○舊大國二南涼北涼南燕西涼燕夏小國六新小國一凡九僭國

春正月秦

封譙縱為蜀王○二月南燕寇掠宿豫

南燕主超正旦朝會群臣嘆太樂不備議掠晉人以補伎韓諱曰先帝以舊京傾覆戢翼

三齊陛下不養士息民伺釁恢復而更侵掠南隣以廣讐敵可乎超曰我計已定不與卿言遂遣公孫五樓兄歸將兵寇宿豫拔之大掠而去簡男女二千五百付太樂教之時五樓專總朝政宗親竝居顯要內外無不憚之尚書都令史王儼諂事五樓比歲屢遷官至左丞國人為之語曰欲得侯事五樓超又遣歸等寇淮南俘男女千餘人而去詔劉道憐鎮淮陰質實宿豫縣名注見唐昭宗景福二以備之質實年泗州淮南國名注見漢武帝元朔五年淮陰縣名注見漢獻帝建安元年

乞伏乾歸自秦逃歸

乞伏熾盤入見秦太原公懿於上邽彭奚念乘虛伐之熾盤聞之怒不告而歸擊奚念破之遂克抱罕乾歸逃還宛川留質實太原郡熾盤鎮抱罕收其衆得二萬人質實名注見齊明帝建武三年并州上邽縣名注見漢光武建元元年天水抱罕縣名注見漢靈帝中平元年宛川地名注見孝武帝太元十年

三月恒山崩

質實恒山恒與常通注見周安王十六年

書法

恒山何北嶽也崩至四嶽非小變矣故書華山崩而漢亡獻帝初平四年

書恒山崩而晉亡是年皆帝業所基也終綱目四嶽書崩二而已矣

○夏四月雷震魏天安殿

雷震魏天安殿東序魏主惡之命以衝車攻東西序皆毀之初魏主服寒食散藥發躁怒無常至是寢劇又災異數見占者言有急變生肘腋魏主憂懣廢寢食追計平生生成敗得失獨語不止每百官奏事至前記其舊惡輒殺之其餘或顏色變動或鼻息不調或步趨失節或言辭差謬皆以為懷惡在心發形於外往往手擊殺之死者皆陳天安殿前群臣多不敢求親近唯著作郎崔浩恭勤不懈其父吏部尚書宏未嘗諂諛亦不恃旨故父子獨不被譴

集覽 衝車詩皇矣篇與爾臨衝注臨臨車也衝衝車也衝通作輶說文陷

陣車也

質實 崔浩東武城人也

書法

綱目書冬雷七記異也此四月爾何以書震天安殿則為魏之不祥也大

矣故大風毀莽王路堂雷震魏天安殿皆大異也綱目每謹書之終綱目書雷十詳漢惠帝五年而四月雷二漢成帝元延元年以無雲故書是年以震天安殿故書舍是無書雷者矣

發明

災異證應之說若出於附會然其應亦未嘗爽也前書南燕汝水竭未幾而燕滅亡此書魏雷震天安殿未幾而魏主不得其終綱目據事書之不言其應而

應固在

中矣

劉裕伐南燕六月及燕師戰於臨朐大破之遂

圍廣固

劉裕抗表伐南燕朝議皆以為不可惟孟昶謝裕臧熹勸行裕以昶監南府事初苻氏之敗王猛孫鎮惡來奔騎射不能及人而有謀畧善果斷喜論軍國大事至是或薦於裕與語悅之因留宿明旦謂參佐曰吾聞將門有將信然即以為中軍參軍四月裕帥舟師自淮入泗五月至下邳留輜重步進至瓌邪所過皆築城留兵守之或謂裕曰燕人若塞大峴之險或堅壁清野大軍深入不唯無功將不能自歸奈何裕曰吾慮之熟矣鮮卑貪婪不知遠計進利虜獲退惜禾苗謂我孤軍遠入不能持久不過進據臨朐退守廣固必不能守險清野敢為諸軍保之南燕主超召群臣會議公孫五樓曰吳兵輕果利在速戰宜據大峴使不得入曠日延時沮其銳氣然後徐簡精騎循海而南絕其糧道敕段暉帥兗州之衆緣山東下腹背擊之此上策也各命守宰依險自固校其資儲餘悉焚芟俾敵無所得旬月之間可以坐制此中策也縱賊入峴出城逆戰此下策也超曰今歲星居齊以天道推之不戰自克客主勢殊以人事言之彼遠來疲弊勢不能久奈何芟苗徙民先自

聞

蹙弱乎不如縱使入峴以精騎蹂之何憂不克桂林王鎮曰陛下必以騎兵利平地者宜出峴逆戰戰而不勝猶可退守不宜縱敵入峴自棄隣固也超不從鎮出嘆曰既不能逆戰又不肯清野延敵入腹坐待攻圍酷似劉璋夫超聞之怒收鎮下獄裕過大峴燕兵不出裕舉手指天喜形于色左右曰公未見敵而先喜何也裕曰兵已過險士有必死之志餘糧棲畝人無匱乏之憂虜已入吾掌中矣六月裕至東莞超先遣五樓及段暉等將步騎五萬屯臨朐聞晉兵入峴自將步騎四萬往就之裕以車四千乘為左右翼方軌徐進與燕兵戰于臨朐南向是勝負未決參軍胡藩言於裕曰燕悉兵出戰臨朐城中留守必寡願以奇兵從間道取其城此韓信所以破趙也裕遣藩等潛師出燕兵後攻臨朐聲言輕兵自海道至遂克之超大驚單騎就暉於城南裕因縱兵奮擊大敗之斬暉等大將十餘人乘勝逐北至廣固克其大城超入保小城裕築長圍守之撫納降附采拔賢俊因齊地糧儲停江淮漕運超遣張綱乞師於秦赦桂林王鎮以為都督且問計焉鎮曰百姓之心繫於一人今陛下親董六師奔敗而還士民喪氣聞秦自有內患恐不暇救人今散卒尚有數萬宜悉出金帛以餌之更決一戰若天命助我必能破敵如其不然死亦為美樂浪王惠曰晉軍氣勢百倍我以敗卒當之不亦難乎秦與我如唇齒也安得不來相救

超從惠計復遣韓範如秦裕圍城益急超請
割地稱藩不許秦王興遣使謂裕曰今遣鐵
騎十萬屯洛陽晉軍不還當長驅而進矣裕
謂其使者曰語汝姚興我克燕之後息兵三
年當取關洛今能自送便可速來劉穆之聞
裕言尤之曰此語不足威敵適足以怒之若
廣固未拔羗寇奄至不審何以待之裕笑曰
此正是兵機非卿所解夫兵貴神速彼若審
能赴救必畏我知寧容先遣信命逆設此言
是自張大之辭耳晉師不出為日久矣羗見
伐齊殆將內懼自保

集覽

琅邪注見周赧王三十一年大峴山

名其地險固在琅邪郡陽都縣峴胡典反臨
沂東莞郡邑屬青州今益都府臨朐縣胸音

劬廣固注見穆帝永和十年吳兵輕累左傳
楚兵輕窳注輕去聲言不能持重也果敢也

今歲星居齊謂歲星今在齊之分野注見帝
奕太和五年越得歲酷似劉璋酷極甚也漢

獻帝時劉璋為益州牧劉備兵向雒城從事
鄭度謂璋曰劉備懸軍襲我莫若驅巴西梓

潼民內涪水以西其倉廩野穀一皆燒除請
戰勿許不過百日必成擒矣璋曰吾聞拒敵

以安民未聞動民以避敵也雒城潰進圍成
都璋遂降東莞郡名本漢琅邪國邑後改為

沂水縣屬沂州即今莒州沂水也莞音管左
右翼旁引其車若鳥翼之為也太公六韜曰

翼其兩旁疾擊其後方軌注見陳宣帝太建
七年奇兵注見周赧王五十五年逐北注見

周赧王三十一年樂浪注見漢武帝元封三年馬驅而進猶言直進謂無禦之者張大張去聲自
質實謝裕陽夏人朗弟允之子晦之從父淮水名注見漢後主延興
二年泗水名注見秦始皇二十八年一統志云大峴山名在青州府臨朐縣東南一百五里上有穆陵關在焉貪婪注見漢章帝章和二年臨朐縣名注見宋營陽王景平元年桂林郡名注見秦始皇三十三年東莞古地名周為鄆邑漢為東莞縣屬琅邪郡晉於此置東莞郡後魏改為新泰縣隋初改曰東安縣後於古蓋城別置東安縣而此縣改名沂水唐宋屬沂州金元屬莒州本朝因之改屬青州府韓信所以破趙事在漢王邦三年

書法

南燕往年書寇宜伐也裕既表請矣書劉裕不書帥師何桓温再伐皆書

帥師裕違衆議而專行謀也故稱將不稱師止書劉裕蓋將壹以功歸之

發明

晉氏無政藩鎮往往專征前固已論之矣今劉裕平定南燕誠為雋功然

抗表即行與桓温伐蜀無異故温之不臣不待廢立而後見而裕之代晉亦不待篡弑而後知語曰天下有道則禮樂征伐自天子出天下無道則禮樂征伐自諸侯出觀之綱目所書劉裕伐南燕之事而益信

秋七月西秦復稱王九月秦王興伐夏夏王勃

勃襲而敗之

秦王與自將擊夏至貳城遣將軍姚詳等分督租運夏王勃勃乘虛奄至秦兵大敗初興遣將軍姚強帥步騎隨韓範往救南燕至是追強兵還範嘆曰天滅燕矣遂降於裕張綱亦為晉軍所獲裕將範循城升綱樓車使周城呼曰秦為劉勃勃所敗無兵相救城中莫不失色綱復為裕造攻具盡諸奇巧南燕王超怒懸其母於城上支解之

質實 劉勃勃載記云赫連勃勃乃劉淵之族子故曰劉勃勃

冬十月西秦以焦遺為太子太師

西秦王乾歸以焦遺為太子太師與參軍國大謀謂熾磐曰焦生非特名儒乃王佐才也汝事之當如事吾熾磐拜遺於牀下遺子華至孝乾歸欲以女妻之辭曰娶妻者欲與之共事二親也今以王姬下嫁蓬茅之士臣懼其闕於中饋也乾歸曰卿之所行古人之事孤女不足以強卿

集覽 王姬猶言公主也左乃以為尚書郎

傳 晉平公以同姓四人備嬪御鄭子產聘晉言於叔向曰今君內實有四姬焉蓋指其不別同姓之醜非目賤妾為姬也後世乃以目賤人戰國策曰幸姬如姬漢史曰諸姬薄姬愛姬釋者皆不辨其為同姓如淳曰姬音怡臣瓚曰漢內官也秩比二千石位倜行下惟顏師古謂漢內官無

姬職姬者周姓貴於衆國之女故婦人美號皆稱姬宋徽宗大觀間公主易號曰帝姬貴之也世例以目妾豈及賤乎懼其闕於中饋謂恐不居中主饋闕事親之禮也易家人六二無攸遂在中饋貞吉伊川傳曰人之處家在骨肉父子之間大率以情勝理以恩奪義唯剛立之人則能不以私愛失正理况柔弱之人其能勝妻子之情乎如二之才若爲婦人之道則其正也以柔順處中正婦人之道也故在中饋則得其正而吉也婦人居中而主饋者也故云中饋

燕弒其君雲馮跋自立爲天王

北燕王雲自以無功德而居位內懷危懼常畜養壯士以爲腹心瓜牙寵臣離班桃仁專典禁衛賞賜巨萬衣食起居皆與之同而班仁志願無厭猶有怨憾至是殺雲馮跋升門觀變帳下共斬班仁跋遂即天王位以其弟范陽公素弗錄尚書事素弗少豪俠放蕩嘗請婚於尚書左丞韓業業拒之及爲宰輔待業尤厚好申拔舊門謙恭儉約以身率下百僚憚之論者美其有宰相之度

質實

范陽郡名注見漢帝

書法

弒君者離班桃仁也不書王名何君無道也故馮跋討斬之不書

魏清河王紹弒其君珽齊王嗣討紹殺之而自

立考異

殺當

考證

謹按拓跋紹以其母氏一言

及討得罪人而誅之今觀諸本誤書曰殺如燕慕容容會秦姚弼姚愔作亂既皆曰伏誅况道武身死於其臣子之手乎考之凡例參以列國故曰殺當作誅

魏主珪將立齊主嗣為太子魏故事凡立嗣子輒先殺其母乃賜嗣母劉貴人死召嗣諭之嗣性孝哀泣不自勝珪怒嗣還舍日夜號泣珪復召之左右曰上怒甚入將不測不如且避之嗣乃逃匿於外帷帳下車路頭王洛兒隨之初珪見賀太后之妹羨請納之太后曰不可是過美必有不善且已有夫不可奪也珪密令人殺其夫而納之生清河王紹紹

兇狠無賴好輕遊里巷劫剥行人以為樂珪嘗倒懸井中垂死乃出之至是譴責賀夫人將殺之未決夫人密使告紹曰何以救我紹年十六夜與宦者官人通謀踰垣入宮弒珪大出布帛賜王公已下崔宏獨不受嗣聞變遣洛兒夜入平城告將軍安同等衆翕然響應爭出奉迎衛士執紹送嗣嗣并賀氏及為內應者皆齎食之乃即位謚珪曰宣武廟號烈祖公卿先罷歸第者悉召用之詔長孫嵩與安同奚斤崔宏等八人坐止車門右共聽時政時人謂之八公又以尚書燕鳳逮事什翼犍使與都坐大官封懿等入侍講論出議政事以洛兒路頭為散騎常侍嘗問舊臣為先帝所親信者為誰洛兒言李先因召問先

卿以何才何功為先帝所知對曰臣不才無功但以忠直為先帝所知耳乃令常宿於內以備

集覽

車門右公車府門之右也

正誤

止坐

實

清河郡名注見義熙十三年平城縣名注見漢高帝七年

書法

魏道武自遷平城首書遣使循行郡國可謂有卹民之心既稱皇帝即書

置五經博士可謂知經國之本又書制冠服定官品亦庶乎日不暇給規摹宏遠者矣光啓後人廟號太祖宜哉而惑於方士以誤其身則不知學之過也○凡書自立

纂辭也齊王嗣宜立者也則其書自立何惟嫡故無嫌也是故齊王嗣嫡子也書討書自立義熙七年唯無嫌故也非嫡也則嫌不書自立矣故武陵王駿書討劭矣必書宋人立駿均文帝元嘉三十年均王友貞書討賊矣止書友貞立於大梁五代癸酉年梁此而書自則疑於篡矣友貞有兄友文

發明

嗚呼有父之親有君之尊而乃敢於弑逆此天理之大變人情所深駭者

也拓跋雖夷狄若頭曼冒頓然而進於中國已不純乎狄矣昔先儒於春秋商臣之事謂考於傳之所載可以見其所由致之漸蓋以傳為案經為斷爾今綱目之比春

通鑑綱目卷三十三
秋則猶經也而分注則猶傳也考之分注
珪始因賀氏之美殺其夫而納之既而生
紹則大本已不正矣紹之肆逆得非餘惡
之所鍾乎夫殺人而納其妻爲之妻者苟
有人心焉宜於此焉變矣况又以其子之
故將欲殺之則是速之使亂也故夫以天
道言則善惡之報捷如影響不可誣也以
人事言則處置之繆禍變之來不可忽也
綱目書此其亦使後人推考而謹於善惡
之積也夫其亦使後人警戒而審於處置
之際也
夫吁

十二月太白犯虛危

南燕靈臺令張光勸南燕王超出降超手殺之

質實

靈臺令事物紀原云唐乾元初

改太史爲司天監掌天文歷數風雲氣色其小史有靈臺令又注見齊武帝永明十年

庚戌

六年 秦弘始十二魏承興二年○是歲南燕亡大二小六凡八僭國

春正月

魏伐柔然

質實 柔然北狄國名注見孝武帝太元十二年

書法

魏始加柔然書擊詳孝武帝太元十六年此書伐何始進魏也於是魏既

再世漸變華風故進之也

○二月魏寇盜群起魏王嗣赦其罪遣兵討餘

寇平之

魏主嗣以郡縣豪右多為民患優詔徵之民
 戀土不樂內徙長吏逼遣之於是寇盜群起
 嗣引八公議之曰朕欲為民除蠹而守宰不
 能緩撫使之紛亂今犯者既眾不可盡誅吾
 欲大赦以安之何如元城侯屈曰民逃亡為
 盜不罪而赦之是為上者反求於下也不如
 誅其首惡赦其餘黨崔宏曰聖王御民務在
 安之而已不與較勝負也夫赦雖非正可以
 行權屈欲先誅後赦要為兩不能去曷若一
 赦而遂定乎赦而不從誅未晚也嗣從之既
 而遣干栗磾討不質實元城縣名注見親
 從命者所向皆平莽始建國四年

書法

書赦其罪何善之也建武之篇書詔許相斬除罪於是書赦其罪皆處盜

之良法也

劉裕拔廣固執南燕王超送建康斬之

南燕城久閉男女病脚弱者大半出降者相
 繼尚書悅壽曰今戰士彫瘁絕望外援豈可
 不思變通之計超嘆曰廢興命也吾寧奮劍
 而死不能銜璧而生劉裕悉眾攻城或曰今
 日往亡不利行師裕曰我往彼亡何為不利
 四面急攻之壽開門納晉師超突圍出走追
 獲之裕數以不降之罪超神色自若一無所
 言惟以母託劉敬宣而已裕忿廣固久不下

欲盡阮之，以妻女賞將士。韓範諫曰：「晉室南遷，中原鼎沸，士民無援，強則附之，既為君臣，必須為之盡力。彼皆衣冠舊族，先帝遺民，今王師弔伐而盡阮之，竊恐西北之人無復來。」
蘇之望美，裕改容謝之。然猶斬王公以下三千人，沒入家口萬餘。夷其城隍，送超詣建康，斬之。司馬公曰：「晉自濟江以來，威靈不競，戎狄橫驚，虎噬中原。劉裕始以王師翦平東夏，不於此際，旌禮賢俊，慰撫疲民，使群士嚮風，遺黎企踵，而更恣行屠戮，以快忿心，迹其施設，曾符姚之不如，宜其不能蕩壹四海，成美大之業也。豈非有智勇而無仁義，使之然哉？」
集賢 往亡立春後七日，驚蟄後十四日，清明後二十一日，立夏後八日，芒種後十六日。

日小暑後二十四日，立秋後九日，白露後十八日，寒露後二十七日，立冬後十日，大雪後二十日，小寒後三十日。其日是謂往亡日。來蘇之望，商書仲虺之誥：「後予后，後來其蘇。」蔡氏傳曰：「蘇，復生也。謂後來我，其復生乎？」夷其城隍，夷平之也。隍，城外塹也。有水曰池，無水曰隍。
質實 銜壁注見武帝咸寧二年，符姚謂符堅姚萇也。
發明 禍莫大於滅人之國，然而亦有不可。以一槩論者，若昔帝王之世，列國公侯或先代神明之胄，或勤勞功德之臣，其後子孫世守其國，乃從而滅之，誠可謂不仁之甚者。至於夷狄亂華，盜竊土宇，有能規恢掃除，又豈可例以滅國待之哉？自金

行失馭寓縣分裂劉石符姚皆裔夷醜類
塗炭中原遂使忠臣義士北望慨想徒嘆
神州之陸沉諸陵之覆沒未有能蕩平河
洛克復舊物者劉裕起自單微興復晉室
今焉出師北伐一舉而平南燕亦可少伸
志士憤鬱之氣彼慕容超者雖凶暴不若
劉石然亦鮮卑之餘耳取而戮之良不爲
過然猶恨劉裕未能廣弔伐之意使義聲
昭布於天下舉四海而平壹之尚可以滅
國之事責之哉此綱目於南燕之克書之
初無貶詞也况超既不降則斬之建康宜
矣若夫他日姚泓既受其降而又戮之此
則裕之過歟

盧循寇長沙南康廬陵豫章陷之劉裕引軍還

初徐道覆聞劉裕北伐勸盧循襲建康不從
自至番禺說之曰本住嶺外豈將以此傳之
子孫邪正以劉裕難與爲敵也今裕頓兵堅
城之下未有還期我以此思歸死士掩擊何
劉之徒如反掌耳不乘此機而苟求一日之
安裕平齊後以璽書徵君自將屯豫章遣諸
將帥銳師過嶺恐將軍不能當也若先克建
康傾其根蒂裕雖南還無能爲矣循乃從之
初道覆使人伐船材於南康山至始興賤賣
之居人爭市之至是悉取以裝艦旬日而辦
循自始興寇長沙道覆寇南康廬陵豫章皆
陷之道覆順流而下舟楫甚盛朝廷急徵裕

裕方議留鎮下邳經營司雍會得詔乃以韓
範為都督八郡軍事封融為渤海太守引兵
還父之劉穆之稱集覽南康非謂江東道南
範融謀反皆殺之康軍此南康本漢之
贛縣晉立南康郡東晉置郡城於章貢二水
之間今城是也隋為虔州以虔化水為名宋
改贛州始興注見質實南康郡名注見梁簡
愍帝建興三年文帝太寶元年長沙
郡名注見漢獻帝興平元年廬陵郡名注見
元帝元興元年安成豫章郡名注見漢武帝
元鼎五年司雍二州名司注見秦莊襄王元
年三川雍注見唐玄宗開元十一年京兆渤
海郡名注見漢獻
帝建安八年南皮

三月江荆都督何無忌討徐道覆戰敗死之考

異 提要戰下作於
豫章敗績死之

無忌自尋陽引兵拒盧循長史鄧潛之諫曰
循兵艦盛勢居上流宜決南塘守二城以待
之彼必不敢捨我遠下蓄力養銳候其疲老
然後擊之此萬全之策也今決成敗於一戰
萬一失利悔將無及參軍殷闡曰循所將皆
三吳舊賊百戰餘勇始興溪子奉捷善鬪宜
留屯豫章徵兵屬城兵至合戰未為晚也無
忌不聽與徐道覆遇於豫章賊令彊弩數百
登山邀射乘風暴急以大艦逼之衆遂奔潰
無忌厲聲曰取我蘓武節來節至執以督戰

賊衆雲集遂握節而死

質實

南塘莫詳處所

中外震駭謚曰忠肅

明帝太寧二年三吳注見安帝元興元年

發明

起義諸人往往見戕於劉裕之手無

武節漢蘓武在匈奴不屈起卧皆仗節故後

南涼擊北涼敗績遂遷于樂都

僣檀自將五萬騎伐蒙遜戰于窮泉僣檀大

敗蒙遜乘勝進圍姑臧夷夏萬餘戶降于蒙

遜僣檀懼納質請和蒙遜徙其衆八千餘戶

質實

而去僣檀畏逼遷于樂都姑臧人推焦朗爲

主降于

夏四月劉裕至建康

蒙遜

臧縣名注見元

帝建武元年

劉裕至下邳以船載輜重自帥精銳步歸聞

何無忌敗死捲甲兼行將濟江風急衆咸難

之裕曰若天命助國風當自息不然覆溺何

建康郡名注見漢獻帝興平二年輜重注見周顯王三十六年青州注見漢桓帝永康元年下邳縣名注見漢高帝六年劉藩掖人兖州注見周安王五年濮陽并州注見齊明帝建武三年

五月豫州都督劉毅及盧循戰于桑落洲敗績

循進逼建康

毅將自拒盧循裕與書曰賊新獲利其鋒不可輕今脩船垂畢當與弟同舉又遣劉藩諭止之毅怒謂藩曰往以一時之功相推耳汝謂我真不及劉裕和投書於地帥舟師二萬

發姑孰五月與循戰于桑落洲毅兵大敗棄船步走其衆皆爲循所虜循聞裕已還與其黨相視失色欲退還尋陽取江陵據二州以抗朝廷徐道覆謂宜乘勝徑進固爭累日循乃從之裕募人爲兵賞之同京口赴義之科發民治石頭城議者謂宜分兵守津要裕曰賊衆我寡若分兵屯守則測人虛實且一處失利則沮三軍之心今聚衆石頭隨宜應赴既令彼無以測又於衆力不分若徒旅轉集徐更論耳朝廷聞劉毅敗人情恟懼時北師始還將士多創病建康戰士不盈數千循既克二鎮戰士十餘萬舟車百里樓船高十二丈孟昶諸葛長民欲奉乘輿過江裕不聽參軍王仲德言於裕曰明公新建大功威震六

合妖賊既聞凱還自當奔潰若先自遁逃則勢同匹夫匹夫號令何以威物裕甚悅昶固請不已裕曰今重鎮外傾強寇內逼人情危駭莫有固志若一旦遷動便自土崩瓦解江此亦豈可得至設令得至不過延日月耳今兵士雖少自足一戰若其克濟則臣主同休苟厄運必至我當橫尸廟門遂其由來以身許國之志不能草間求活也昶甚請死裕怒曰卿且一戰死復何晚昶乃抗表曰臣贊北伐之計使狂賊乘間至此謹引咎以謝天下乃仰藥而死循至淮口中外戒嚴琅邪王德文都督宮城裕屯石頭謂將佐曰賊於新亭直進其鋒不可當宜且避之若迴泊西岸此成擒耳道覆請於新亭至白石焚舟而上

自

數道進攻循曰大軍未至孟昶望風而裁以大勢言之當計日潰亂今決勝負於一朝既非必克之道且多殺傷士卒不如案兵待之道覆嘆曰我終為盧公所誤事必無成使我得為英雄驅馳天下不足定也裕登城見循軍引向新亭顧左右失色既而迴泊蔡洲乃悅遂柵石頭淮口脩治越城築查浦藥園廷尉三壘皆以兵守之明日循伏兵南岸使老弱乘舟向白石聲言悉衆自白石步上裕留沈林子徐赤特戍南岸斷查浦戒令堅守勿動裕北出拒之林子曰妖賊此言未必有實宜深為之防裕曰石頭城險淮柵甚固留卿在後足以守之矣又明日循焚查浦赤特將擊之林子曰衆寡不敵不如守險以待大軍

赤特不從出戰大敗林子據柵力戰賊乃退復引兵大上至卅陽郡裕帥諸軍馳還石頭斬赤特出

集覽

創病創初莊及刀箭所傷也陳於南塘

仰藥漢書注顏師古曰仰首

而飲藥也案司馬君實明妃曲白頭蕭太傅被讒仰藥更無疑注仰去聲仰藥自殺也

質實

姑孰縣名注見明帝太寧元年桑落洲注見元興三年江陵縣名注見漢獻帝

建安十三年石頭城名注見漢獻帝建安十七年京口郡名注見成帝咸和二年六合注見唐僖宗廣明元年琅邪郡名注見漢光武建武九年淮口淮水之口注見漢後主延興二年新亭注見元興元年白石即白下壘名注見宋明帝泰始元年蔡洲注見梁武帝太

清二年越城注見明帝太寧二年查浦壘名未詳處所藥園壘名未詳處所廷尉壘名未

詳處所

柔然圍魏師於牛川魏主嗣救之可汗社喻走

死第斛律立質實

柔然北狄國名注見孝武帝太元十二年牛川疑地名未

詳處所

○六月劉裕自為太尉中書監加黃鉞復

辭官而受黃鉞質實

黃鉞注見漢後王建興六年

書法

上書自為下書復辭後書始受辭繁不殺裕之譎見矣

發明

嗚呼乘時而邀利者市井小人之志也。是時寇賊滔天，國祚危若綴旒，裕亦何忍自進其爵位而又作偽以辭之哉？况左仗黃鉞，乃武王伐紂之事，自司馬昭謀篡魏始，假此為威制中外之具，裕又率而行之，如此一轍。然前史書此，則若出於朝廷之命者，豈知黃鉞之加，非清朝令典，裕苟無風旨，晉朝詎敢行此綱目書之。如見其肺肝然，天下果可以文欺也哉。

○宗室司馬國璠自弋陽奔秦

桓玄之亂，河間王曇之子國璠叔璠奔南燕，還寇陷弋陽，至是奔秦。秦王興曰：劉裕方誅

桓玄，輔晉室，卿何為來？對曰：裕削弱王室，臣宗族有自脩立者，裕輒除之，方為國患，甚於

桓玄耳。

質實

河間郡名，注見漢帝玄更始二年。弋陽郡名，注見武帝泰始二年。

書法

宗室自劉縯外，未有書者，此其書宗室何惡裕也。裕志移晉鼎，先除枝葉，於是國璠遠禍出奔。綱目書曰：宗室司馬國璠奔秦，又書曰：宗室司馬楚之據長社，皆罪裕之辭也。國璠書自弋陽奔秦，言遠避也。

秋七月盧循退還尋陽劉裕遣兵追之

盧循寇掠諸縣，無所得，謂徐道覆曰：師老矣，不如還尋陽，并力取荊州，據天下三分之一。

徐更與建康爭衡耳遂還裕質實尋陽縣名注見漢獻

帝建安十五年荆州注見漢獻帝興平二年

劉裕遣將軍孫處等率兵襲番禺

劉裕還東府大治水軍遣將軍孫處沈田子自海道襲番禺衆以為海道艱遠必至為難自分撤見力非目前之急裕不從敕處曰大軍十二月之交必破妖虜卿至時先傾其巢窟使彼走質實東府城名注見元興元年番禺縣名注見漢武帝元鼎六年

謙縱使桓謙會秦將苟林入寇荆州刺史劉道

規大破斬之考異斬當作誅

謙縱遣使請兵於秦以謙為荆州刺史使帥衆二萬寇荆州秦王興遣將軍苟林帥騎兵會之謙於道召募義舊民投之者二萬人謙屯枝江林屯江津江陵士民多懷貳心道規乃會將士告之曰聞諸長者頗有去就之計吾東來文武足以濟事若欲去者不相禁也因夜開城門達曉不閉衆咸懾服莫有去者魯宗之帥衆數千自襄陽赴救或謂宗之情未可測道規單馬迎之宗之感悅道規使之居守委以腹心自帥諸軍攻謙水陸齊進戰

於枝江天門太守檀道濟先進陷陳大破之
謙林皆走並追斬之初謙至枝江江陵士民
皆與書言城中虛實許為內應至是檢得之
道規悉焚不視衆乃大安桓石綏亦起兵於
洛口梁州刺史傳詔質實一統志云枝江古
討斬之桓氏遂滅羅國地名漢始置
枝江縣屬南郡以蜀江至此分為諸洲故名
唐析置長寧縣以枝江省入大曆中復置枝
江省長寧宋省入松滋後復置徙治澌洋洲
又遷治下沱市元仍舊本朝因之改屬荆
州府天門郡名本漢武陵郡零陽縣地孫吳
以武陵分置天門郡治零陽晉因之陳為石
門郡隋罷郡為石門縣屬澧州唐宋元皆仍
舊本朝因之改屬岳州府襄陽郡名注見

漢獻帝建安十二年洛口洛水
之口注見漢光武建武三年

西秦攻秦畧陽隴西諸郡克之

質實

畧陽郡名注見懷帝

永嘉四年隴西郡名
注見秦王政三年

○冬十月劉裕南擊盧循

劉毅還至建康降為後將軍固求追討盧循
長史王誕密言於劉裕曰毅既喪敗不宜復
使立功裕乃帥劉藩檀韶
等南擊循以毅監留府

徐道覆寇江陵劉道規大破之

徐道覆帥衆三萬趣江陵奄至破冢江漢士
民感劉道規焚書之恩無復貳志道規使劉

遵別為遊軍自拒道覆於豫章口前驅失利
遵自外橫擊大破之斬首萬餘級餘悉赴水
死道覆軍舸走還湓口初道規使遵為遊軍
衆咸以為彊敵在前唯患衆少不應分割見
力置無用之
質實 豫章郡名注見漢武帝元
地至是乃服
興三年

十一月孫處攻番禺拔之

盧循兵守廣州者不以海道為虞孫處乘海
奄至會大霧四面攻之即日拔其城處撫其
舊民戮循親黨勒兵謹守分
遣沈嘉等擊嶺表諸郡

十二月劉裕及盧循戰於大雷又戰于左里大破之循及道覆南走裕遣將軍劉藩等追之

劉裕軍雷池盧循揚聲不攻雷池當乘流徑
下裕知其欲戰進軍大雷循及徐道覆帥衆
數萬塞江而下裕悉出輕騎及水軍擊之又
分步騎屯於西岸先備火具裕以勁弩疾射
急因風水之勢以蹙之循艦悉泊西岸岸上
軍投火循道覆兵大敗將趣豫章乃悉力柵
斷左里裕至攻之麾兵將進麾折幡沈衆皆
懼裕笑曰往年覆舟之戰如是今乃復見必
破賊矣即破柵而進殺溺死者萬餘人循收
散卒徑還番禺道覆走保始興裕遣劉藩子孟

懷玉等追之遂還建康劉毅惡劉

集覽

雷池同安

穆之每言其權太重裕益親任之

志曰雷池源去宿松縣界東流二百餘里經

望江縣南五里龍潭河合流三十里出大江

此即大雷池也按宋書郡國志西岸有雷江

即此大雷本漢之皖縣地晉安帝置大雷戍

後置新治縣陳置大雷郡隋廢為義鄉縣後

改望江縣唐置高州後復為縣屬舒州今安

慶府望江縣是地稱三孝有王祥卧冰池孟

宗泣竹臺徐仲源孝感山舊跡舊馬左里文

選歐陽脩廬山高是為揚瀾左里考注云揚

瀾左里二灘名也里本作蠡南康志云左蠡

湖一名宮亭湖即禹貢彭蠡湖也在城東南

五里與揚瀾相對案禹貢彭蠡既緒蔡氏傳

曰地志彭蠡湖在豫章郡彭澤縣東合江西

江東諸水跨豫章郡饒州南康軍三州之地

今所謂鄱陽湖者是麾折幡沈大將之旗曰

麾所以指搆也幡亦旗屬謂麾竿折斷而幡

沈溺于水中往年覆舟之戰如是元興三年

與桓玄戰于覆舟山時其幡竿亦嘗折斷後

大破

質實一統志云雷池在安慶府望江縣

其源西自宿松縣界流經縣東南

積而為池又十五里入大江名雷港大雷晉


之戍名即漢之皖縣地東晉置新治縣于此

屬晉熙郡陳於此置大雷郡隋改為義鄉縣

又改望江縣屬興州唐初於縣置高州尋改

智州未幾州廢以縣屬舒州宋元仍舊本

昌縣西九十五里晉盧循為劉裕所敗
自蔡洲南走乃悉力柵斷左里即此



資治通鑑綱目卷三十三

